

bosansko-hercegovački magazin

EUROPPA

maj 2013

Zašto Brisel i Vašington ne izvlače Bosnu iz slijepe ulice
Intervju: Ivo Banac i Nerzuk Ćurak
KK Bosna-Istorija pada šampiona Evrope

ISSN 1838-3433



ADVOKATSKA KANCELARIJA

Aleksandra H. Bronsted

Attorney at Law



Porodično pravo/Divorce

Krivično pravo/Criminal Law

D.U.I

Osobne ozljede zadobivene:


Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice



Aleksandra H. Bronsted, PC

6065 Lake Forrest Dr.

Suite 200

Atlanta, GA 30328

Phone: (770) 451-3818

Fax: (770) 451-3922



Prvi advokat u Atlanti sa kojim možete razgovarati na Vašem jeziku!

U ovom broju:

4 Komentar

Boston će biti

6 Bosna i Hercegovina

Političari kao "bijeli medvjedi"

20 Intervju

Ivo Banac, hrvatski historičar i dugogodišnji profesor na američkom Jejl univerzitetu, i Nerzuk Ćurak, profesor Fakulteta političkih nauka u Sarajevu

30 Reportaža

Kulinarske putešestvije (16):

Bamija kao stimulans begova

32 Kultura

Drugo Bijenale u Titovom bunkeru u

Konjicu

34 Nauka

36 Film

Armin Omerović :

Gluma je moja rijeka, a muzika njena pritoka

38 Sport

KK Bosna

Istorija pada nekadašnjeg šampiona

Evrope

41 Estrada

42 Horoskop

44 Zabava

46 Oglasi

PROUD MEMBER

Gwinnett Chamber 

FOREIGN LANGUAGE SERVICES LLC

Vesna Galtere

OVLAŠTENI SUDSKI TUMAČ ZA BOSANSKI I HRVATSKI JEZIK

usluge prevodjenja na sudu, kod liječnika i dr.
ovjereni prijevodi dokumenata: vjenčani, rodni list i sl.

**Registered and Licensed Court Interpreter
for Bosnian and Croatian language**

Cell: 404-735-4383

Fax: 480-247-4567

vgaltere@gmail.com

vgaltere@foreignlanguageservices.net



NOVI TV PROGRAM NA VAŠEM JEZIKU

EUROPA MAGAZINE je partner Hayat TV za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayata. Telefon: 678-743-5731 ili nam pošaljite e-mail na redakcija@europamagazine.info. Uvjerite se i sami. Reklamiranje na televiziji je pristupačnije nego što mislite!



+ 387 33 271 340
+ 387 33 271 350
marketing@ntvhayat.com
prodaja@hayat.ba
www.hayat.ba

*Učijete na udaraj,
marketing uvek televizije*

Boston će biti

Nikada nisam mislio da čovjek mora imati neku ličnu vezu, lična iskustva sa gradom koji se nađe na udaru terora – bilo to Sarajevo devedesetih, Njujork 11. septembra 2001. ili Boston – da bi saosjećao sa stradanjem nevinih u tim gradovima.

Ali, pošto sam živio u sva tri grada, osim te opšteljudske užasnosti okrutnošću masovnog ubijanja potpuno nedužnih i saosjećanja s njihovim najbližim, troipogodišnje ubijanje Sarajeva i zločinačke napade na Njujork i Boston doživljavao sam i sa dodatnim osjećanjem nasilja nad gradovima i ljudima koji su obilježili i neka od najznačajnijih poglavlja mog ljudskog i profesionalnog trajanja i neke od najsvetanih dana u životu moje porodice: u Sarajevu su rođena oba moja sina i tamo je – na stranicama i u vođenju tada glavnog bosanskohercegovačkog dnevnika – oblikovan i moj profesionalni novinarski put; iz Njujorka sam nakon četiri godine dopisnikovanja, 1981-85, ponio u Sarajevo riješenost i inspiraciju da se posvetim novinarstvu u službi javnosti, a moj tada četverogodišnji Mirza je na rastanku s mojim kolegom na njujorškom aerodromu izrekao rečenicu koja savršeno opisuje prirodu seoba: „Mi sada idemo kući i ne vraćamo se više kući“; u Bostonu sam, na jednogodišnjem akademskom i novinarskom gostovanju na Harvardu, 1994-95, provodio dane i večeri u susretima i razgovorima s ljudima koji su, u toj američkoj prijestolnici slobodarskih tradicija i akademske misli, pokazivali savršeno razumijevanje bosanske tragedije i saosjećanje sa Sarajevom.

Jedno od tih prijateljstava počelo je tako što je Ed Herbert, čovjek u biznisu s kompjuterima u okolini Bostona, na Nacionalnom javnom radiju slušao intervju sa mnom – kao glavnim urednikom lista koji nastavlja da izlazi svakodnevno na prvoj liniji odbrane Sarajeva – i zajedno sa susjedima Rodžerom i Džojks Meknil (Roger and Joyce McNeil) inicirao osnivanje organizacije „Američki prijatelji Bosne i Hercegovine“ i pozivao me da govorim u crkvama, sinagogama i džamijama u Masačusetsu o doživljaju terora nad Sarajevom: neki od tih javnih nastupa su i snimani i emitovani u programima američke televizije.

U godinama terora nad Sarajevom uvijek sam s izvanrednim poštovanjem čitao razmišljanja o Bosni i Hercegovini kolumniste New York Timesa Antonija Luisa (Anthony Lewis) i

bio sam počašćen kad su Vesnu i mene on i njegova supruga Margaret, predsjednica Vrhovnog suda države Masačusets, pozvali na privatnu večeru u njihovom domu u Kembridžu: nakon tog susreta Toni – kako su prijatelji oslovljavali Luisa – napisao je kolumnu „Fanatični i okrutni“ u kojoj je prirodu ljudskog zla objašnjavao razmišljanjem nad fotografijom agencije AP koja pokazuje sedmogodišnjeg dječaka iz Sarajeva Nermina Divovića u lokvi krvi: dječak je ubijen snajperskim hicem u glavu dok je s majkom Dženanom prelazio ulicu u centru grada. Luis je savršeno razumio prirodu tog zločina. Znao je da dječak nije mogao biti usputna žrtva nekakvog ratnog sukoba: snajperista vidi majku i dijete, fokusira odabranu metu, vidi glavu djeteta i puca bez milosti. Luis postavlja pitanje: „Šta može navesti ljudska bića da čine takve stvari. Političari mogu“ – kaže komentator i zatim pokazuje kako su Milošević i Karadžić, svako iz svojih razloga, raspirivali ubilačku mržnju. Luis je umro 25. marta ove godine.



Tako Boston za mene nije tek grad u središtu međunarodne pažnje već grad vrlo dubokih ličnih uspomena i osjećanja među kojima su i susret sa senatorom Edwardom Kenedijem (Edward Kennedy) u biblioteci koja nosi ime njegovog brata, predsjednika Džona Kenedija (John); nastupi na konferencijama za štampu s kongresmenima Frankom i Markijem

(Barney Frank i Ed Markey); susreti u neformalnoj atmosferi sa najistaknutijim ličnostima američkog političkog, ekonomskog i umjetničkog života tokom i naročito nakon njihovih gostovanja na Harvardu.

„Hrabrost“ da se postavi eksplozivna naprava u gomili ljudi okupljenih oko linije završnice Bostonskog maratona 2013. Žalosno je podsjećanje na vrijeme u kojem živimo: jednostavnije – terorizam je u značajnoj mjeri uspio da učini savremeni svijet i življenje u njemu taocima straha i svakovrsnih ograničenja slobode komuniciranja i kretanja.

Razmišljajući ovih dana o tome koliko je zla potrebno da se postave bombe koje će ugaziti živote i raskomadati tijela ljudi okupljenih oko tako uzvišenog ljudskog nastojanja kao što je učešće u maratonskoj trci, vraćam se sjećanjima na vrijeme opsade i ubijanja Sarajeva: sjećajući se pjesama koje su doprinosile da vjerujemo kako – makar i negdje daleko – neko osjeća našu bol, sjećam se koliko mi je u vrijeme opsade i ubijanja

Sarajeva značilo ohrabrenje iz pjesme "Sarajevo će biti" Zlatana Fazlića i Đorđa Balaševića:

"... I kada šuti Sarajevo pjeva, i kada žmuri svjetlucaju mu oči, suzama kiša u oluk se slijeva, Sarajevo će biti, sve drugo će proći ..."

I, sa svim osjećanjima pred okrutnošću ubistva osmogodišnjeg Martina Richarda u Bostonu 2013, htio-ne htio, razmišljam o ubistvu sedmogodišnjeg Nermina Divovića u ratnom Sarajevu i znam, kao u pjesmi iz vremena opsade Sarajeva, "Boston će biti, sve drugo će proći".

*Kemal Kurspahić
Radio Slobodna Evropa*



Now Hiring!
MedSide
healthcare
Bilingual **Bosnian/English** Speaking
Personal Support Aides for In-Home Care

Location: **Snellville, GA**

- Reliable transportation necessary
- Free training provided
- Excellent benefit package

Call: 404-749-7296 because being home is always better
for more information !



DMS
Dino Multi-Services
PREVODI, NOTARSKI I
ADMINISTRATIVNI POSLOVI

Pružamo usluge:

- Notara, Apostille (međunarodna nadovjera dokumenta)
- preвода i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU
NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
LAWRENCEVILLE, GA 30043
E-MAIL: DKRGO@BELLSOUTH.NET

tel.(678)429-4353

KRGO DINO

LERO TRAVEL
Phone 404-660-0910
Enver Šejtanić



1405 Wheatfield Drive
Lawrenceville, GA 30043
enver@lerotravel.com
Save money Book online
www.lerotravel.com



LION TAIL
REALTY, LLC



PRODAJETE ILI KUPUJETE KUĆU?
ZA MENE BITI REALTOR ZNAČI
MNOGO VIŠE OD PRODAJE KUĆE
MOJE USLUGE SU FOKUSIRANE NA
USPJEH U OSTVARENJU VAŠIH SNOVA

Direct:
(678) 735-8397
Suada@LionTailRealty.com
LionTailRealty.com

Suada Nisic Realtor®
HUD Expert, Buyer's Advocate, Listing Specialist



JEFTINE AVIONSKE KARTE LLC
Samo Ptice Lete Jeftinije



Jazmir Bešlija
owner

336 Springhaven Rd,
Lawrenceville, GA 30046

Tel 770.963.9684 ili 770.963.9685

Fax 888.404.8088
TravelBiH@Hotmail.com
www.TravelBiH.com

Afere i presude u BiH:

Političari kao "bijeli medvjedi"

Još jedna u nizu oslobađajućih presuda za Dragana Čovića, prvog čovjeka HDZ-a BiH, pokazala je kako je dan od najviših državnih zvaničnika, zamjenik predsjedavajućeg Doma naroda BiH, uprkos brojnim suđenjima uspješno izlazi na kraj s optužbama. Formalno nije kriv za aferu nezakonite privatizacije Eroneta, jer mu je na ruku ovaj put išla činjenica da se radi o zastari, ali i da optužnica Kantonalnog tužilaštva u Mostaru nije potencirala da dokaže zajedničku djelatnost optuženih u inkriminirajućim radnjama koje im se stavlja na teret.

Slučaj „Eronet“ nije jedini iz koga je predsjednik HDZ-a BiH i zamjenik predsjedavajućeg Doma naroda BiH Dragan Čović izašao kao oslobođen. Tako je bilo i u aferi „Prelevmani“, gdje mu se sudilo da je kao ministar finansija Federacije oslobodio firmu Lijanović plaćanja posebnih taksi. Također je oslobođen i optužbe za nezakonitu kupovinu stanova - slučaj u kome je zajedno s Čovićem na optuženičkoj klupi sjedio i nekadašnji federalni premijer Edhem Bičakčić. Tako je na primjeru rekordera po optužnicama, procesima i istragama zapravo jasno da su političari zaštićena vrsta i da ih je jedva 20-ak posto pravosnažno i osuđeno.

„Kada pogledamo koliko je oslobađajućih presuda do sada bilo - evo posljednji slučaj je Čović, koji je oslobođen za sve za šta je mogao biti oslobođen, vidi se na kraju da naši političari mogu da rade šta žele, da ne moraju da strahuju za bilo kakve posljedice. I kada se objavi šta se sve radilo, na koji način su se zlopotrebljavale funkcije, na kraju opet ništa ne bude i zbog našeg pravosuđa, koje jako kasno reaguje“, navodi glasnogovornica Transparency Internationala BiH Ivana Korajlić.

Edhem Bičakčić još je jedan od političara koji uspješno pliva i kroz pravosudne vode - uz predmet s Čovićem, oslobođen je i nezakonite kupovine stana u slučaju još jednog bivšeg premijera, Nedžada Brankovića. U slučaju Brankovića prekinuta je i istraga protiv njega i bišeg ministra energije i rudarstva Vahida Heće za zlopotrebu službenog položaja prilikom donošenja odluka u vezi sa elektroenergetskim sektorom FBiH. Branković, za kojeg brojni navode kako je u provaliju odvuкао sve gdje je gazdovao - od Željeznica FBiH, Energoinvesta, na kraju same Federacije, sebe je pak dobro obezbijedio. Sve što je stekao, kaže, bilo je po zakonu, a po zakonu je u njegovom slučaju bilo mnogo šta moguće, što je i sam priznao:

„Pošto sam dobar menadžer i dobar inženjer, ja sam malo bolje to vrijeme iskoristio na način da sam mogao biti direktor u dobroj kompaniji, da sam mogao biti u dva, tri nadzorna odbora predsjednik, da sam mogao biti u Parlamentu.“

Direktor antikorupcijske mreže Account Eldin Karić kaže: „Mnogi zakoni su napravljeni tako da su oni u suštini

koruptivni jer omogućavaju da se rade neke stvari koje nisu moralne, ali su legalne.“

Oslobođen je i Hasan Čengić, bivši zamjenik ministra odbrane Federacije BiH, za učešće u aferi „Naoružanje“, kao i Mladen Ivanić, koji je suđen kao premijer RS-a za slučaj „Srpske šume“. Sve ovo nanosi štetu ponajprije budućim slučajevima, kaže urednik Centra za istraživačko novinarstvo Azhar Kalamujić.

„Građani BiH nemaju više povjerenja u pravosudni sistem, tako da i oni koji raspolažu informacijama o korpuciji političara, nakon ovakvih ishoda sudskih procesa odustaju od toga, ili vrlo rijetko pokušavaju da se eksponiraju u davanju dokaza. Mislim da je to najveća šteta. A posljedica je to i lošeg vođenja predmeta. Vratimo se malo unazad kada su ključne korupcijske slučajeve u BiH vodili strani tužioc i vidjećemo da su svi veliki korupcijski slučajevi pali“, navodi Kalamujić.

BiH teško do svog Sanadera

Koliko zapravo pravosuđe želi procesuirati moćnike, najbolje ilustrira izjava nekadašnjeg glavnog tužioca RS, a danas člana Ustavnog suda ovog entiteta, Amora Bukića:

„Sudije ako u nekom slučaju neće, ako nemaju interes da neko bude osuđen, on ne može biti osuđen. Ako ništa, bez obzira što postoje dokazi i sve, oni će reći da nije tužilac dokazao namjeru direktora, ministra...“. No osuđeni u moru riba su najsitniji - Momčilo Mandić i Miroslav Rupčić, nekadašnji funkcioneri Srpske demokratske stranke i HDZ-a BiH. Presuda Anti Jelaviću, nekadašnjem članu Predsjedništva BiH, koji je proglašen krivim za zlopotrebu položaja, prvostepena je i zbog njegovog bijega u Hrvatsku proces se ne može okončati.

Sudski epilog izmakao je i u brojnim, pompeznim istragama kao što je ona protiv Zlatka Lagumdžije i Damira Hadžića, predsjednika i potpredsjednika Socijaldemokratske partije BiH, u slučaju „Reket“. Obustavljena je i istraga protiv predsjednika RS Milorada Dodika zbog nedostatka dokaza u vezi sa izgradnjom autoputa Banja Luka - Gradiška, i izgradnje Administrativnog centra Vlade RS i RTV doma.

Teško da će BiH uskoro dobiti svog Sanadera, vjeruje bivši sudija i predsjednik Foruma građana Tuzla Vehid Šehić.

„Mi nemamo ni institucije, ni zakone, ni sistemsko rješavanje efikasne borbe, kao što to npr. ima Hrvatska. Ovo je dokaz da u reformi treba preduzimati neke druge mjere. Dok imamo ove aktere političkog života koji su uveli jedan takav sistem života u BiH, nećemo moći ništa značajno napraviti“, smatra Šehić.

Brojni vjeruju kako je nespремnost za obračun sa korupcijom i razlog sporog puta BiH ka EU - jer su samo tako glavni akteri i zaštićeni.

Michael E. Carroll & Associates, LLC Attorneys At Law

**Michael E. Carroll, Esq.
&
Christopher S. Walker, Esq.**



Radimo u oblastima:

Osobne povrede zadobivene:

- * Na radu
Worker's compensation**
- * U saobraćajnim nesrećama
Car accident**
- * Krivično pravo
Criminal Law**
- * Bankroti**
- * DUI**

Call:

**Satellite Court
2250 Satellite Boulevard, N.W.
Suite 205
Duluth, GA 30097**

678-473-9472

Advokati s dugogodišnjim iskustvom u radu s osiguravajućim društvima, sada mogu svojim iskustvom pomoći u rješavanju Vašeg slučaja.

- PREVODILAC NA RASPOLAGANJU -

Srebrenizacija RS-a

Sa jačanjem Građanske inicijative Prvi mart koja zagovara povratak u Republiku Srpsku, prijavljivanje na adrese na kojima su građani bili 1. marta 1992. i glasanje na izborima kako bi dobili svoje predstavnike u vlasti, rastu i napadi na ovu inicijativu i njenog vođu Emira Suljagića, koji su optuženi za srebrenizaciju RS-a, rušenje pravnog i ustavnog poretka RS-a te da se finansiraju arapskim parama. Što nije ništa do legitimiziranje nasilja kojim je RS uspostavljena te promoviranja teze po kojoj oni koji su preživjeli pogrome, logore i genocid ni nakon dva desetljeća nemaju pravo glasa tamo gdje su imali svoje adrese, avlije i zavičaje

Iako su genocidne tekovine Republike Srpske, njenih institucija, etnički očišćenog teritorija i široke palete zločina, koji su neodvojivi od imena RS-a, višestruko pravosnažno potvrđene, i još se potvrđuju, od strane najrelevantnijih međunarodnih i državnih sudova – a u zadnje vrijeme se i nanovo javno ističu s najviših RS instanci vlasti, poput nedavnog Dodikovog reality showa na suđenju ocu RS-a u Haagu – ovih dana je pokrenuta prava propagandna lavina bazirana na izvrtanju činjenica, zamjeni teza i već viđenog razvlačenja pameti iz dijela BiH poznatog po masovnim grobnicama, genocidu, urbicidu, elitocidu...

Islamsko-američka zavjera

Kao i 1992, medijska mašina za ispiranje mozga pod imenom RTRS, ustanovljena, kao i RS, Karadžićevom zločinačkom politikom i gebelsovskom propagandom Riste Đoge i inih raspirivača mržnje, krenula je u još jednu medijsku kampanju legitimiziranja (prošlog) nasilja kojim je RS uspostavljena te promoviranja teze po kojoj oni koji su preživjeli pogrome, logore i genocid ni nakon dva desetljeća nemaju pravo glasa tamo gdje su imali svoje adrese, avlije i zavičaje.

Nimalo neočekivano, RTRS haranga se usredotočila na Građansku koaliciju Prvi mart i njenog prvog čovjeka Emira Suljagića, koji se posvetio podršci onome što se spontano ili organizirano trebalo desiti još u prvim mjesecima nakon rata – omogućiti prognanima da se dostojanstveno vrate u svoja uništena i oteta mjesta sa svim pravima i obavezama koje kao državljani BiH imaju zagwarantirana i Dejtonskim, kao i naprasno suspendiranim Ustavom Republike BiH.

A barem je nominalno prihvaćeno i u BiH da je jedno od osnovnih građanskih prava svake demokratski uređene zemlje pravo glasa i političkog djelovanja i organiziranja. Kao svoj odgovor na pitanje ko ima pravo glasa u Podrinju, Emir Suljagić je ovo jasno i koncizno objasnio mladahnom novinaru RTRS-a, Nenadu Petroviću, koji (kao) nešto važno razotkriva, uzgred spominjući i kako ovih dana RTRS slavi svoj 21.

rođendan. Kroz koordinirani medijski napad na Građansku koaliciju Prvi mart, pokazala se ne samo dosljednost politike koju su postavili Karadžić i Đogo, a nastavila plejada njihovih nasljednika, nego i strah od demokratskih sloboda koje građani BiH imaju ko god i gdje god oni danas bili.

Zahvaljujući Petrovićevoj pronicljivosti, da se jasno zaključiti da je sve i ovaj put islamsko-američka zavjera islamskih ambasada i zapadnih organizacija protiv srpskog (para)



državnog nedonošćeta krštenog imenom RS. Tako su i oni što se spremaju glasati na izborima naredne godine nekakvi "elementi" koji ne žive u Bijeljini, Foči, Zvorniku, Bratuncu, Vlasenici, Višegradu, Prijedoru, Kozarcu, Srebrenici i Žepi nego tamo negdje po skandinavijama, amerikama i australijama, a ima ih i bliže po sarajevima, tuzlama, sanskim mostovima...

Performans Milorada Dodika

Kakve oni veze imaju s mjestima u Podrinju, Krajini i diljem RS-a? – pita se, i pravi se lud, mladahni Petrović. Ali tu mu je u pomoć priskočio iskusniji kolega Dragan Jerinić, predsjednik Udruženja novinara RS-a, koji je pokušao kategorično osuditi Suljagićevu izjavu uz nebuloze poput ove: "Ko naziva RTRS zločinačkim medijem ne misli dobro nijednom narodu u BiH." Jerinić vizionarski zaključuje kako se "ne treba vraćati ratnim godinama, nego se treba okrenuti budućnosti". Pri tome "zaboravlja" da je ta stvarna prošlost, koju bi on da zaboravimo, puno bliža od neke imaginarne budućnosti, a da se sadašnjost pokazala, u mnogo čemu, pogotovo kada je RS u pitanju, kao dosljedan nastavak prošlosti drugim sredstvima.

Izlaz iz ovakve sadašnjosti, opterećene prošlošću, u neku sretniju budućnost je upravo ono što, demokratskim i mirnim putem, Građanska koalicija Prvi mart nudi kao valjanu alternativu. No, očigledno je da RS establišment živi i u kontinuitetu crpi energiju upravo iz mračne prošlosti, a nikako iz neke svjetlije budućnosti. Spomenuti performans Milorada Dodika

na suđenju Radovanu Karadžiću je još jedan u nizu dokaza da se, za Republiku Srpsku, 2013. i 1993. i ne razlikuju bitnije kada su nacionalistički programi i politika laži i zločina u pitanju.

Možda je, u problematičnoj kampanji RTRS-a, mali pomak, barem kada su ratne godine u pitanju, napravila Aleksandra Pandurević, SDS-ova poslanica u Predstavničkom domu Parlamentarne skupštine BiH. Aludirajući na Srebrenicu – čije će ime, dokle bude svijeta i vijeka, asociirati na genocid počinjen 1995. u tom podrinjskom gradu od strane i u ime RS-a – Pandurevićeva je od imena ovog grada konstruirala glagolsku imenicu: “srebrenizacija”. Tako Aleksandra Pandurević, čije ime se, uzgred, vezuje za pljačku i maltretiranje zarobljenih civila u Hadžićima u toku rata, govori o opasnosti “srebrenizacije” RS-a. No, Pandurevićeva spretno baca dimne bombe potpomognuta teorijom zavjere: “A ko to finansira koalicionu Prvi mart i registraciju bošnjačkih birača u RS-u, ha?” da bi potom dotična dala i odgovor: “Islamske zemlje...”

Za nju je, naravno, srebrenizacija mogućnost da – i nakon genocida, protjerivanja i politike zastrašivanja – Bošnjak ipak bude izabran za načelnika općine u gradu u kojem su Bošnjaci činili (i opet čine) većinsko stanovništvo. Agilnoj promicateljici izvorne Karadžićeve politike je tako nešto nezamislivo – to da Bošnjaci mogu imati nekakva prava ili biti na vlasti u mjestima koje je ta ista politika tako sustavno očistila u periodu od 1992. do 1995. u procesu koji bi se također s pravom mogao nazvati bijeljinizacija, zvonikizacija, bratunizacija, vlasenizacija, višegradizacija ili prijedorizacija BiH.

Fiktivne adrese

Vrijedi napomenuti (kao što je to Suljagić već učinio) i Pandurevićevu i njene istomišljenike da ovo ipak nije ni 1992, ni 1993, a ni 1995. Ona djeca što su se držala majkama i nemama za suknje i dimije, dok su ih tih godina RS utemeljitelji progonili iz njihovih domova, kao i oni preživjeli kosturi iz logora poput Sušice, Omarske i Manjače, koji će u godinama između onda i sada postati jezgrom onoga što se, najčešće s dozom podozrenja, naziva bošnjačkom dijasporom, nikada nisu digli ruke od svojih pogaženih i poniženih zavičajja, od svoje imovine i svoje babovine – bez obzira koliko se RS utemeljitelji trudili da im ogade i otuđe njihove zavičajje, kako u ratu tako i u poraću.

Tu famoznu bošnjačku dijasporu, kao problem finansijera Prvog marta, vidi i Radomir Pavlović, predsjednik Skupštine općine Srebrenica koji “odgovorno tvrdi” da se Bošnjaci prijavljuju na fiktivnim adresama samo kako bi mogli glasati. S ovom Pavlovićevom opservacijom, kao jedan od takvih prijavljenih glasača iz dijaspore, moram se u potpunosti složiti.

Naime, više od 20 godina sam odbijao izvaditi bilo koji dokument na kojem bi bilo ispisano ime Republika Srpska, čije je stvaranje, u srebreničkom genocidu i diljem BiH, svo-

jim životima platio veliki dio moje bližnje i daljnje rodbine i prijatelja. Postoji, dakle, nešto vrlo personalno između mene i onoga što se ustalilo pod imenom RS. I to nešto između nas ostaje. Ipak, neposredno pred kampanju Glasat ću za Srebrenicu, u proljeće prošle godine, otišao sam u Srebrenicu, iznajmio potrebne dokumente (za čudo, pronašli su u kartoteci i duplikat moje prve lične karte iz 1986.), potom se registrirao za glasanje, i glasao kad je došlo vrijeme.

Pored otkrića da “posjedujem” tri različita matična broja, problem oko povratka Hariza Halilovića svojoj kući nastupio je kada sam službenici u policijskoj stanici Srebrenica trebao navesti adresu na kojoj stanujem. Rekao sam da je adresa zapaljena, srađnjena sa zemljom, da više nemam adrese u Srebrenici. No, službenica se nije dala smesti, jer joj, očigledno, nisam bio prvi koji je ostao bez adrese, a koji je želio kući koje više nije bilo tamo gdje ju je ostavio.

Upitala je koja mi je adresa bila prije rata, i tako u moju prvu poslijeratnu ličnu kartu unijela danas fiktivnu adresu: Klotjevac 18, Srebrenica. Danas se na toj adresi, u avliji koja se više ne raspoznaje, a u kojoj su nekada bile ugniježdene dvije kuće bijelih zidova i crvenih krovova s prozorima što su gledali na Drinu, samo mogu pronaći davno spaljene i zarsle ruševine ispred kojih svakoga ljeta procvatu crvene ruže, miljenice moje rahmetli majke. Cvjetaju ruže poput pjesničke metafore i svjedoče da ova adresa nije fiktivna, da su ovdje živjeli ljudi kojima je Republika Srpska jednom uzela pravo glasa. I pravo na život. Ovo, nažalost, nije fikcija.

Florence Hartmann, novinarka i publicistkinja

Ratna retorika

Pogrešno se govori o nekoj polemici, jer smo suočeni sa mnogo opasnijom pojavom, naime, ovdje je riječ o ratnoj retorici koja, ustvari, poziva na nasilje i na negiranje mogućnosti postojanja vladavine prava. Napadi na koaliciju Prvi mart od strane RTRS-a (novinara i sugovornika) ukazuju da se bit Republike Srpske povezuje sa “krvnom slikom” njenog biračkog tjela.

U suštini, RTRS kaže da promjenom – Republika Srpska nestaje. Drugim riječima priznaje se da je Republika Srpska nastala ratom i etničkim čišćenjem i da je u miru njen suštinski cilj cementiranje rezultata masovnog nasilja, i to putem diskriminatornih mjera, kao što su direktna i indirektna zabrana povratka deportiranog stanovništva i ukidanje njihovih građanskih prava. Prvi mart nije jedina inicijativa koja dovodi u opasnosti postojanje (ili uređivanje) RS-a. Svaki pokušaj demokratizacije predstavlja opasnost RS-u jer je to suštinska nedemokratska tvorevina koja ne priznaje demos nego samo ethnos.

A pitanje oko finansiranja nevladine organizacije, naročito one koja djeluje na utvrđivanju istine o nedavnoj prošlosti ili na zaštiti ljudskih prava je dobro poznat i testiran recept za gušenje slobode govora, uskraćivanje građanskih prava i sprečavanje političkih rasprava. To je recept vlasti koja ne prihvata pravile igre demokratije, jer bez protiv-vlasti, nema demokratije.

Nikolićevo izvinjenje podijelilo srbijansku javnost

Izvinjenje predsjednika Srbije Tomislava Nikolića za zločine u Srebrenici u Srbiji je prihvaćeno na različite načine. Za jedne je to korak koji prethodne vlasti nisu bile spremne učiniti, a za druge je izjava "farsa".

Odmah nakon što je objavljeno da je Nikolić zatražio „pomilovanje“ za Srbiju zbog Srebrenice, uslijedili su brojni i prilično nedvosmisleni komentari. Osnivač Fonda za humanitarno pravo Nataša Kandić posebno skreće pažnju na Nikolićeve navode da je spreman da klekne u znak izvinjenja zbog zločina počinjenih u ime Srbije.

„Ključna riječ u njegovom izvinjenju je da je spreman da klekne. To za sada u Srbiji niko nije rekao. Samo znamo da je Vili Brant kleknuo. Nikad niko u istoriji nije kleknuo, osim Vili Branta, i zbog toga je to njegovo izvinjenje veoma važno, i treba to posmatrati u kontekstu njegove prošlosti“, kaže Kandićeva i navodi da je jasno da odnosi BiH i Srbije počinju da se mijenjaju.

„Mislim da sa dolaskom Bakira Izetbegovića i srpskog člana Predsjedništva BiH odnosi počinju da se mijenjaju. Pošto je uslijedila vijest da će predsjednik Nikolić posjetiti Sarajevo, mislim da odnosi počinju da se mijenjaju, i sada, u ovom trenutku, ne treba akcenat staviti na to da li je upotrijebio ili

Predsjednik Srbije, Tomislav Nikolić, uputio je ispriku u ime Srbije i srpskog naroda zbog zločina počinjenih u Srebrenici. „Ja klečim zbog toga, evo klečim. I tražim pomilovanje za Srbiju zbog zločina koji je izvršen u Srebrenici. Izvinjavam se za zločine, koje je u ime naše države i našeg naroda počinio bilo koji pojedinac iz našeg naroda“, izjavio je predsjednik Srbije Tomislav Nikolić. Ona je izazvala ogroman odjek i odmah su je prenijele i sve svjetske novinske agencije.

ne riječ genocid. To jeste i ostaje najstrašniji zločin. Ako je rekao da je spreman da se izvini u ime svakog Srbina, onda je to veliki korak napred“, ističe Nataša Kandić.

Veliki događaj

Na Nikolićevu izjavu pozitivno reaguje i sociolog Vesna Pešić koja ističe da taj gest predstavlja opamećivanje Srbije i izlaženje iz, kako kaže, ludila u kojem se ranije živjelo.

„Mislim da je veliki događaj to što je predsjednik naše države dao jednu tako jaku izjavu. Time je potvrđeno da je ova nova vlast učinila mnogo i ako se to od nje najmanje očekivalo. Mislim da je to dio jedinstvenog procesa, zajedno sa činjenicom da je Srbija sklopila sporazum sa Prištinom i vjerujem

da Srbija izlazi iz svoje loše prošlosti“, ocjenjuje Pešićeva.

Ona dodaje da se naglo poboljšavaju odnosi Srbije i BiH, o čemu svjedoči i nedavna posjeta članova Predsjedništva BiH Beogradu. „Nikolić je stalno očekivao ovaj susret sa predstavnicima BiH. Nažalost, Komšić nije došao, ali sada su konačno u posjeti bili Izetbegović i Radmanović i to je bila jedna vrlo uspješna posjeta. I upravo u toj posjeti sam ja videla da bi moglo doći do jedne takve izjave“, kaže Pešićeva.

Nikolićeva izjava gaf ili farsa

Među onima koji osuđuju predsjednika Srbije je i politički analitičar Đorđe Vukadinović koji je rekao da ne zna da li je to "gaf" ili ispunjenje "zahtjeva njemačkih poslanika". Sličnog mišljenja je i historičar i osnivač "Naprednog kluba" Čedomir Antić.

„Kad je riječ o izvinjenju, mislim da je to već postala farsa. Dakle, Srbija je prihvatila sve posljedice ratova, isporučila 32. optuženih, usvojila je Deklaraciju o Srebrenici protiv koje su glasali poslanici Tomislava Nikolića. Sad očekuju izvinjenje Nikolića. On sam očigledno ne vidi razliku između genocida i velikog zločina“, kaže Antić.



Predsjednik Srbije Tomislav Nikolić

Ugledni beogradski advokat Srđa Popović je skeptičan kada je riječ o iskrenosti predsjednika Srbije.

„Ovo izvinjenje u ovom trenutku je u kontekstu predstojećih pregovora s Evropskom unijom. Mislim da nije uopšte iskreno. Mislim da je to politički oportunistički i da je to u funkciji drugih interesa. A opet mislim da je svako izvinjenje dobro, makar i takvo. Plašim se samo da u Bosni nije baš shvaćeno kao iskreno“, rekao je Popović.

Teško je sa sigurnošću reći da li je Nikolić bio iskren. Ono što je sigurno, jeste da je izvinjenje izazvalo ogromne reakcije.

Invalidska penzija

Povrede na radnom mjestu

Auto udesi

Vojna penzija

Da li ste primili odbijenicu iz državne ustanove za invalidsku penziju?

Da li ste imali povredu na radnom mjestu?

Da li ste imali auto udes ili Vam treba pomoć advokata u vezi Vaše vojne penzije?

Dopustite da Vam advokat Tim Klob (komandant američke Armije) i njegova advokatska kancelarija pomognu i posvete Vašem slučaju pažnju koju zaslužujete!

Pozovite nas danas na **678-269-6526**
ili posjetite našu web stranicu **www.kloblawfirm.com**

Pozovite i zakažite Vašu
besplatnu konsultaciju!



Zastupamo našu zajednicu iskreno i sa
pažnjom kroz mnogo godina iskustva.

DONIRAJTE

za novu džamiju Fargo-Moorhead do 31. maja 2013.



- Do sada je prikupljeno \$500.000, a ukupno nam je potrebno \$750.000 do 31. maja 2013.
- Molimo Vas, ček šaljite na adresu: Islamic Society of Fargo Moorhead
2102 6th Ave S
Fargo, ND 58103
- Donaciju takođe možete uplatiti putem Paypal-a na račun: islamndfargo@gmail.com.
- Za više informacija kontaktirajte nas na telefon 701-234-9607.

Svaka uplata je dobrodošla!

Šta o bh. političarima govori njihova verbalna i neverbalna komunikacija

Agencija za političko komuniciranje POLIS iz Mostara bavi se, pored ostalog, analizom istupa političara na političkoj sceni i uopšte u javnosti. Magistrica komunikologije Semina Ajvaz iz ove nevladine organizacije govori o nastupima u medijima, djelovanju u javnosti i vizuelnom identitetu nekih od bh političara.

Koliko je kultura govora i ponašanja u javnim istupima oblast do koje drže bh. političari?


Ajvaz: Kultura izražavanja, ponašanja i govora je vrlo važna za svakog čovjeka, pogotovo za one koji učestvuju u javnom komuniciranju. Neki bh. političari još uvijek ne shvaćaju važnost dobrog izražavanja i ponašanja. Može se zaključiti da je stupanj njihove kulture na veoma niskoj razini. Naši političari trebaju da shvate da je politika posao kao i svaki

Ajvaz: Nažalost, slobodno mogu da kažem da na bosanskohercegovačkom političkom tržištu imamo jako malo političara koji su prošli određene edukacije i koji imaju dobar odnos s javnošću. Njihova kompletna komunikacija, u većini slučajeva, svodi se na kompromitiranje protivnika, a ne na isticanje vlastitih sposobnosti. To je njihov primarni problem, jer – devalvirajući protivnike, oni ustvari devalviraju sami sebe, a javnost ih percipira kao konfliktne i kao negativne.

Predlažem da čujemo vašu analizu javnih istupa pojedinih političara – evo, da krenemo od Vjekoslava Bevande, predsjedavajućeg Vijeća ministara BiH, i Zlatka Lagumdžije, ministra vanjskih poslova i predsjednika SDP-a BiH.

Ajvaz: Vjekoslav Bevanda ostavlja dojam samosvjesnog čovjeka, čovjeka sa čvrstim stavovima. Verbalno je dosta sa-

držajan i jak, međutim, smatram da bi trebao malo unaprijediti neverbalnu komunikaciju, jer bi nastup političara na tako značajnoj poziciji trebao biti bespriječan. Zlatko Lagumdžija se najčešće ponaša nadobudno i bahato, naročito prema novinarima, i to je ono što mu svi zamjeraju. Na uvredljiv način razgovara sa novinarima, pokazuje veliku dozu arogantnosti i prepotentnosti. Bahatost je stav koji precjenjuje vlastitu vrijednost i vlastite vještine. To je ustvari političar koji je uspio



Semina Ajvaz

drugi posao i da se za njega treba stalno školovati, usvajati neke nove vještine. Prilikom javne komunikacije postoje određeni kodeksi ponašanja i izražavanja kojih bi se trebalo pridržavati, bez obzira na situaciju.

Na osnovu ponašanja, govora, gestikulacije, mogu se izvući određeni zaključci. Do kojih ste Vi došli?

iziritirati veliki dio javnosti u veoma kratkom periodu poslije izbora, zahvaljujući upravo medijskim nastupima. Prečesto počinje rečenice sa 'Ja' i pokazuje krajnji prezir prema svim svojim neistomišljenicima, ne birajući sredstva da ih uništi i makne s puta.

A kakav utisak ostavljaju Dragan Čović, predsjednik HDZ BiH, i lider SDA Sulejman Tihić?

ARE **YOU** RUNNING ON EMPTY?



RESTORE

- POWER
- PASSION
- PERFORMANCE
- ...WITH PROGENE

Call NOW to try for **FREE** A \$49.95 RETAIL VALUE!

888.807.8281

progene
DUAL ACTION TESTOSTERONE SUPPLEMENT

Zia Travel

Independent Travel Agent
Raziya Poric

6414 A. Hampton Ave, Suite 3
St. Louis, MO 63109

314-638-7347
toll free 877-540-6729
cell 314-600-3265

ziatravelstl@yahoo.com



CHEVRON FOOD MART


535 Canton Hwy
Cumming, Ga 30040
770-888-8883



*** NOVO * NOVO * NOVO * NOVO ***

**VELIKI IZBOR
BOSANSKIH
PREHRAMBENIH
PROIZVODA**

VISPAK, KLAS, PODRAVKA, KRAŠ, KOLINSKA



Osman "Cico" Vujanović

**cell: 404-550-8054
fax: 404-641-1831
e-mail: osmanvu@gmail.com**

**Specijalnosti:
bankovne kuće,
foreclosure i HUD kuće**



Ajvaz: Dragan Čović je školski primjer lidera – ima odličnu retoriku, jako je uvjerljiv, ima bogat vokabular. Može se okarakterisati kao političar s autoritetom i samopouzdanjem. Ono što mu ide u prilog kao političaru jeste upravo taj vizuelni identitet koji je jako važan. Ima urođeni šarm koji, u kombinaciji sa emotivno obojenim izjavama i sigurnim stavom, djeluje opušteno i karizmatično. Sulejman Tihić – pa zavisi od tipa emisije kakav će biti. Ako ima samo tri minute da kaže nešto, onda će u većini slučajeva biti loš, međutim, ako na raspolaganju ima kompletnu emisiju, onda djeluje dosta ubjedljivo. Moram reći da je to političar koji ima jako dobrih i jako loših nastupa. On jako puno gestikulira dok govori. Ponekad imam osjećaj da bi mogao čak i zaplakati u studiju koliko mu bude teško, a nekad mi djeluje neverovatno nadobudno i bahato. Neverbalnom komunikacijom često nam poručuje da ni sam ne vjeruje u ono što kaže ili da osjeća da drugi neće po-

Komšić je jedini brend na političkoj sceni u Bosni i Hercegovini. Mnogi ga nazivaju 'fenomen Željko Komšić' jer je jedini uspio osvojiti dva mandata zaredom kao član Predsjedništva BiH. To je jedini političar koji je, zahvaljujući bošnjačkim glasovima, kao Hrvat ušao u Predsjedništvo BiH. Njegovi nastupi su dosta srčani, spontani, sa mnogo emocija, izjave su jako smjele.

vjerovati u to što on govori i da nije siguran u ishod obećanja koja daje.

Na bh. političkoj sceni nemamo mnogo političarki, pa vas molim da kažete kakav ste utisak stekli o premijerki Republike Srpske Željki Cvijanović?



Željka Cvijanović

Ajvaz: Mislim da je riječ o političarki koja je verbalno sadržajna i jaka. Vidi se da vlada materijom, međutim, postoja- nje treme i nepoznavanje tehnika kontrolisanja treme utiču na njenu neverbalnu komunikaciju, pa se tako vrlo često vrpolti i gestikulacijom odaje znakove nervoze. Trema utiče i na njenu verbalnu komunikaciju, jer u većini javnih nastupa njen tempo govora je dosta ubrzan, što opet utiče na jasnoću izlaganja. No, to su stvari koje se mogu edukacijom savladati i pospješiti. Međutim, ono što ja zamjeram Željki Cvijanović jeste vizuelni identitet - mislim da mu ne pridaje dovoljno pažnje.

Željko Komšić, član Predsjedništva BiH i predsjednik Demokratske fronte, omiljeni je političar u Bosni i Hercegovini. Da li to potvrđuje i vaše stručno mišljenje?

Ajvaz: Komšić je jedini brend na političkoj sceni u Bosni i Hercegovini. Mnogi ga nazivaju 'fenomen Željko Komšić'

jer je jedini uspio osvojiti dva mandata zaredom kao član Predsjedništva BiH. To je jedini političar koji je, zahvaljujući bošnjačkim glasovima, kao Hrvat ušao u Predsjedništvo BiH. Njegovi nastupi su dosta srčani, spontani, sa mnogo emocija, izjave su jako smjele. To je političar koji nikoga ne ostavlja ravnodušnim. Dakle, svi u Bosni i Hercegovini imaju neko mišljenje o Željku Komšiću. On svojom pojavom i vizuelnim identitetom poručuje: 'Ja sam kao vi', a primijetila sam da uvijek govori u prvom licu množine, uvijek rečenice započinje sa 'Mi' i smatra se istinskim državljaninom Bosne i Hercegovine.

Oko javnih istupa Milorada Dodika, predsjednika RS i SNSD-a, mnogo se zna i uglavnom su kritike negativne. Šta kaže vaša stručna analiza?

Ajvaz: Milorad Dodik - njega najčešće koristim na nastavi sa studentima kao primjer kako se ne treba ponašati u javnom prostoru. I laik može uočiti da on ima jako 'kratak fitilj', ne pravi razliku između komuniciranja u javnom i privatnom prostoru. On je osoba koja voli omalovažavati sve oko sebe, posebno institucije u Bosni i Hercegovini, želi sve držati pod kontrolom - i medije, i narod, sagovornike, partnere, publiku, tjelohranitelje, opoziciju, prijatelje, neprijatelje. Dakle, jako arogantan, nadobudan, prepotentan. Evo, mogli smo da vidimo i ovo svjedočenje u Hagu - još jednom je pokazao kakav je ustvari. Mislim da svojim nekim siromašnim vokabularom više nikoga ne može impresionirati.

Kakav je vaš utisak o Salmiru Kaplanu, mladom ministru u Vladi Federacije.

Ajvaz: Neprimjereno je da se jedan ministar kulture prepucava s novinarima, da kaže da ga novinari ne vole zbog toga što je on superioran. To su iritantne izjave. Ako vas novinar pita 'Je li istina da ste slupali službeni auto?', ne možete reći: 'Taj auto ima osiguranje i nije sveta krava'.



Salmir Kaplan

Neko plaća i to osiguranje! To su iritantne izjave. Mi smo uradili nekoliko analiza nastupa Kaplana, međutim, nismo vidjeli da je išta poboljšao.

Gordana Sandić-Hadžihasanović



FASTV

NOVO HAYAT PAKET OD SAD NA FASTV!



Mjesečno
Uključujući takse!

+ 100 TV Kanala samo
+ FREE HD BOX



ZOVITE FASTV I GLEDAJTE 100+ TV KANALA iz Balkana za samo \$20

1-866-639-8911

Address: 2320 Arthur Ave Bronx, NY 10458

Telephone: 1-866-639-8911

Website: www.FASTV.com

Šta se rješava hapšenjem Budimira?

Hapšenje Živka Budimira otvara brojna pitanja u Federaciji BiH. U procesu rekonstrukcije vlasti predsjednik Federacije je ključna politička figura. Može li ovo hapšenje uticati na ishod političke krize u ovom entitetu?!

I prije hapšenja Živka Budimira Federacija Bosne i Hercegovine (FBiH) bila je daleko od normalnog funkcioniranja. Hapšenje Budimira u akciji „Patriot“, koju je po naredbi Suda BiH provelo državno Tužiteljstvo i nadležne policijske agencije, otvara brojna pitanja.

Ko i na koji način može smijeniti Budimira s pozicije federalnog predsjednika, kakve su nadležnosti njegovih potpredsjednika i ko u ovom trenutku upravlja FBiH, samo su neka od njih.



Živko Budimir

Profesor ustavnog prava Goran Marković smatra da, u slučaju spriječenosti predsjednika FBiH da obavlja svoju dužnost, njegove pune ingerencije preuzima jedan od dvojice njegovih zamjenika. Ustavom je, kaže Marković, propisana i procedura za smjenu predsjednika FBiH. „Predsjednika FBiH može smijeniti Ustavni sud FBiH, a na inicijativu dvotrećinske većine u Parlamentu FBiH“, kaže Marković

Nejasne nadležnosti potpredsjednika FBiH.

No, rad federalnog Ustavnog suda je blokiran jer je upravo predsjednik FBiH ključna osoba u procesu imenovanja nje-

govih članova. Marković tvrdi da se i u ovom slučaju treba pozvati na rješenje prema kojem predsjednika FBiH mijenja jedan od njegovih potpredsjednika. „FBiH se nalazi u situaciji iz koje je vrlo teško naći izlaz, a političke elite su tu krizu zametnule svojim prethodnim ponašanjem“, ističe Marković.

I potpredsjednik FBiH Mirsad Kebo tvrdi da federalnog predsjednika mijenjaju potpredsjednici, ali da procedura i njihove nadležnosti nisu sasvim jasne. Konsultacije o ovlaštenjima i proceduri trebale bi tek da budu obavljene tokom narednih dana. Konsultacije će, kako je najavio Kebo, biti obavljene i sa Uredom visokog predstavnika, kao vrhovnim tumačem Daytonskog sporazuma te nadležnim parlamentarnim komisijama

Bez obzira na argumente Tužiteljstva BiH, hapšenje Živka Budimira poprima i političke dimenzije. Iz Budimirove Stranke pravde i poverenja (SPP) je saopćeno kako je osnovni motiv hapšenja rekonstrukcija Vlade FBiH. Sličnim se saopćenjem oglasila i Stranka demokratske akcije (SDA) koja sumnja da bi „hapšenje Živka Budimira moglo biti u funkciji preuzimanja vlasti u FBiH“. Četvorka koja čini novu parlamentarnu većinu ne sumnja u motive akcije „Patriot“.

Borba protiv korupcije ili politizacija borbe protiv korupcije?

Ne osporavajući legalitet akcije hapšenja i institucija koje je provode, novinar i politički analitičar Eldin Karić postavlja pitanje da li će se u BiH nastaviti borba protiv korupcije i u drugim slučajevima za koje postoje neosporni materijalni dokazi. „Ono što mene posebno interesira

jest da li se radi o početku konkretnih akcija u borbi protiv korupcije ili je ovo zapravo politizacija samog pojma borbe protiv korupcije“, kaže Karić.

Analitičari smatraju da će ovo hapšenje bitno uticati na političke odnose unutar FBiH, s obzirom na činjenicu da je Živko Budimir bio ključna figura u procesu rekonstrukcije vlasti u ovom entitetu. Od vladajuće četvorke koju čine Socijaldemokratska partija BiH, Hrvatska demokratska zajednica (HDZ) BiH, HDZ 1990 i Savez za bolju budućnost BiH sada očekuju političku ofanzivu, koja bi mogla početi već na narednoj sjednici Federalnog parlamenta..

NOW HIRING!

Over The Road Owners Operators & Company Drivers

BEST WAY SERVICES, LLC

RECEIVE A \$500 BONUS
AFTER 6 MONTHS OF EMPLOYMENT

1985 NW 94th St. Suite G, Clive, IA 50325

5419 Gravois Ave, St. Louis, MO 63116

- *Offering good rates
- *Satisfactory safety rating
- *Working with all major brokers
- *Dedicated lane position available
- *Team driving position available
- *Fuel card
- *Paid per mile or percentage
- *24 hour emergency dispatch service available for drivers
- *Help with IFTA filing



Also hiring experienced dispatcher for the St. Louis office.

For more information please contact Besim or Amela at:
515.554.1711 or 515.276.0646

Senad i Sevleta Čamdžić

Eurotel Agencija

PONOVO NAJBOLJI

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

POVOLJNE CIJENE! KVALITETAN SERVIS!

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran isti dan

717-245-8552

NAJPOVOLJNIJE CIJENE!

Bosna	samo 6.9 c/m !
Srbija	7.9 c/m
Hrvatska	samo 1 c/m !
Crna Gora	9.9 c/m
Makedonija	7.9 c/m
Zapadna Evropa	2.9 c/m

Zovi!

Koristi!

Uštedi!



Na vratima Evrope

Ekonomija BiH kao nasukani brod

Bosna i Hercegovina još uvijek nema razvojnu strategiju. Već petnaest godina pokušavaju se napraviti planovi za ekonomski razvoj, međutim zbog nedostatka političke volje, u Bosni i Hercegovini nisu definisani ciljevi niti prioritete kako bi se postigao brži i kvalitetniji ekonomski razvoj. To je jedan od razloga što je bh. ekonomija na koljenima.

„Nas od Evropske unije dijeli oko 600.000 radnih mjesta. Dakle, toliko smo udaljeni od Evropske unije. Ili – ako hoćete u terminima konkurentnosti – osam do deset godina; toliko nam treba da stignemo najlošije zemlje članice EU“, kaže ekonomski analitičar Vjekoslav Domljan.

Upravo zbog lošeg stanja u ekonomiji, Bosna i Hercegovina se zadužuje kod međunarodnih kreditora. I umjesto da se taj novac ulaže u privredu, uglavnom se troši na plate administracije. Zamjenica ministra vanjske trgovine i ekonomskih odnosa BiH Ermina Salkičević Dizdarević smatra da veliki infrastrukturni projekti treba da budu orijentacija i put kojim Bosna i Hercegovina treba da ide.

„Bosna i Hercegovina generalno, u odnosu na zemlje regiona, ima jako nizak vanjski dug. To je nešto čime se mi dičimo u smislu 'najmanje smo zadužena zemlja u regionu, međutim, to treba posmatrati s drugog aspekta - da li to znači da su nam infrastrukturni procesi na jako niskom nivou. Nizak javni dug jeste dobra stvar, no – da li to znači da smo na niskom stepenu razvoja kad su u pitanju infrastrukturni projekti? Evidentno je da to jeste slučaj u Bosni i Hercegovini. Mislim da bismo mi trebali da radimo jedan ozbiljan projekat i da pratimo sva ova dešavanja koja su, na primjer, aktuelna za Koridor Vc, ili velike projekte koji se vežu za elektroenergetski sektor.“

Problemi sa kojima se suočavaju zemlje u regionu su slični, bez obzira na to koliko su zemlje uradile na približavanju Evropskoj uniji. Predsjedavajući Odbora za ekonomiju i finansije Skupštine Crne Gore Aleksandar Damjanović smatra da je regionalna saradnja jedan od načina izlaska iz krize.

„U fazi kada pregovaramo s Evropskom unijom, to jeste i oslikava ekonomsku stabilnost. U odnosu na ekonomske ne-

daće s kojima se suočavamo, one nisu različite u odnosu na ovo što se dešava u Bosni i Hercegovini. Smatram da Crna Gora i Bosna i Hercegovina imaju ogroman prostor za razvoj saradnje, ne samo političke, već prije svega ekonomske. Tu mislim prije svega na energetiku, na saobraćaj. Čini mi se da smo dugo bili u zajedničkoj državi i da, ako iko treba da sarađuje, a da se to tiče svih nas, to su susjedi, Crna Gora i Bosna i Hercegovina. Oni su dobri susjedi i tu postoji prostor za unapređenje saradnje.“

Bosna i Hercegovina je prošle godine imala pad bruto društvenog proizvoda od 0,2 posto. Godinama se ništa ne radi da se napravi povoljan poslovni ambijent, a broj nezaposlenih raste. Ipak, riješenja ima, kaže Vjekoslav Domljan.

„Ekonomija je kao nasukan brod. Dakle, ekonomija Bosne i Hercegovine se nasukala, a dokaz da je stanje takvo jeste SOS upućen Međunarodnom monetarnom fondu. I sad treba puno posla da se stvari poprave. A stručnim jezikom kazano – BiH treba jedan program od pet tačaka, a to su: fiskalna konsolidacija i fiskalna devalvacija - slikovito kazano, to znači smanjiti sve javne rashode osim ulaganja u istraživanje i razvoj.

Zatim, treba smanjiti oporezivanje rada a povećati oporezivanje potrošnje i imovine, zatim, treba provoditi partnerstvo javnog, privatnog i civilnog sektora. Treba nam i masovno poduzetništvo, dakle, da se može osnovati firmu za jedan dan, a u slučaju mladih ljudi i za jednu marku. Zatim, treba nam dokapitalizacija razvojnih banaka. Ako stvari idu kako idu, mogla bi stopa rasta biti recimo dva posto, međutim, nama ne odgovara dugoročno strategija od dva-tri posto. Mi moramo imati strategiju koja će imati stopu rasta sedam, pa i deset posto, jer bez toga nema zapošljavanja. A to je ključni problem bh. ekonomije – nezaposlenost.“





Agencija locirana u Jacksonville - Florida
 Vam i ove godine nudi najpovoljnije karte za sve destinacije svijeta

Imamo letove po nevjerovatno povoljnim cijenama za Sarajevo, Zagreb, Beograd, kao i za druge gradove Europe

Naši ugovori su sa avio kompanijama kao što su: Lufthansa, US Airways, Air France, Delta, United, Austrian Airlines, British Airways i mnoge druge

Sa nama možete dovesti familiju i prijatelje iz Bosne i Hrvatske, tj. cijele Europe i svijeta.
 Karte se izdaju ovdje, a osobe koje lete podižu karte na aerodromu sa kojeg polijecu

Također nudimo i osiguranja za dobivanje vize kao i osiguranja za karte, tj. putničko osiguranje "Travel Insurance"

Nazovite nas i uvjerite se da smo najjeftiniji i najbolji.

Tel: 904-866-9893

 [facebook.com/eminatravel](https://www.facebook.com/eminatravel)

E-mail: eminatravel@bellsouth.net
 SELLER OF TRAVEL REF. No. 5735868



685 Canton St., Ste. 200
 Norwood, MA 02062

www.polimortgage.com
 NMLS# 1879
 MA Lender/Broker Lic.#MC1879



**Buying or Refinancing your home
 Call now: 770-314-6280**

Erol Jaganjac
Loan Originator NMLS#227379

Direct: 770-314-6280 GA Lic#27794
 Fax 678-302-0285 KY Lic# MC72077
 Email: erolj@polimortgage.com

- GREAT MORTGAGE RATES • NO OR LOW CLOSING COST
- PRE-QUALIFICATION • CLOSING ON TIME
- NO OR LOW DOWN PAYMENT • BRILLIANT CUSTOMER SERVICE
- FREE CONSULTATIONS

APPLY ONLINE: WWW.POLIMORTGAGE.COM/EROLJAGANJAC



GEORGIA FURNITURE OUTLET

BRAND NAMES FOR LESS

**UP TO 50% OFF RETAIL
 ON BRAND MATTRESSES**

NO CREDIT CHECK FINANCING

742 Tucker Rd, Winder, GA 30680



Ashley - Coaster - HomeElegance



Tel: 678-425-1510

**LOWEST PRICES
 IN GEORGIA**

PRIČAMO BOSANSKI



INTERVJU: Ivo Banac, hrvatski historičar i dugogodišnji profesor na američkom Jejl univerzitetu, i Nerzuk Ćurak, profesor Fakulteta političkih nauka u Sarajevu

Zašto Brisel i Vašington ne izvlače Bosnu iz slijepe ulice

Intervju uredio i vodio Omer Karabeg. Gospodin Omer Karabeg je novinar Radija Slobodna Evropa od osnivanja Programa na južnoslovenskim i albanskom jeziku 1994. godine. Marta 1994. pokrenuo emisiju "Most" s namjerom da uspostavlja ratom pokidane veze između ljudi sa prostora bivše Jugoslavije. Dobitnik nagrade "Dr Erhard Busek" za doprinos boljem razumjevanju u Jugoistočnoj Evropi za 2010., koju dodjeljuje SEEMO.

Mi prisustvujemo procesu dugotrajnog raspada zemlje koja se nikada neće raspasti. To je paradoksalna situacija koja blokira bilo kakvu promjenu.

Sagovornici su bili Ivo Banac, hrvatski historičar i dugogodišnji profesor na američkom Jejl univerzitetu, i Nerzuk Ćurak, profesor Fakulteta političkih nauka u Sarajevu.

Zašto se Brisel i Vašington angažuju na reformi Federacije Bosne i Hercegovine, dok Republiku Srpsku ostavljaju po strani, ko želi a ko ne želi da vidi Bosnu i Hercegovinu u Evropskoj uniji, zašto Evropska unija i Sjedinjene Američke Države smatraju da je Dejtonski sporazum dobar za Bosnu i Hercegovinu dok u isto vrijeme misle da bi bio poguban za Kosovo, zašto se Njemačka sve manje angažuje oko rješavanja krize u Bosni i Hercegovini, postoje li krugovi na Zapadu koji podržavaju Milorada Dodika u njegovom nastojanju da Republiku Srpsku izdvoji iz Bosne i Hercegovine, koliko strah od islama utiče na politiku prema Bosni i Hercegovini, zašto visoki predstavnik izbjegava da koristi svoja ovlaštenja, kao i o tome da li je Bosna i Hercegovina bez odlučnije intervencije međunarodne zajednice osuđena na permanentnu krizu.

Nakon dugogodišnje pasivnosti Brisel i Vašinton počeli su da igraju aktivniju ulogu u Bosni i Hercegovini. Oni su sada usmjereni na rješavanje krize u Federaciji. Mislite li da u tome mogu uspjeti?

Ivo Banac: Mislim da je to krivi početak. Ne može se u Bosni i Hercegovini ništa rješavati parcijalno. Velika je greška što se kreće od Federacije, što ne znači da su stvari tamo dobre, ali ne smije se ostaviti po strani situacija u cijeloj Bosni i Hercegovini i izuzimati Republika Srpska. Bio bih mnogo zadovoljniji kada bi prijedlozi koji dolaze iz Brisela i Vašingtona bili usmjereni prema cijeloj Bosni i Hercegovini, a ne samo

prema Federaciji.

Nerzuk Ćurak: Uopće ne mislim da je došlo do nekog intenzivnijeg angažmana Brisela i Vašingtona u Bosni i Hercegovini. Naprotiv. Sve su to ćorci. I dalje se radi o politici koja proizvodi sopstveni besmisao. Ne mislim da će doći do ikakvih ozbiljnih pomaka. Situacija u Federaciji jeste haotična, ali to je samo posljedica konstrukcije političkog sistema koji naprosto ne može funkcionirati.

Zna li Zapad uopšte kakvu bi Bosnu i Hercegovinu želio u Evropskoj uniji?

Ivo Banac: Nema tu nikakvih ozbiljnijih planova. Mnogo toga ostaje otvoreno. Nema tu jednog sveobuhvatnog plana koji bi mogao riješiti pitanje Bosne i Hercegovine, niti se neko za takav plan uopće zalaže..

Nerzuk Ćurak: Bivši visoki predstavnik Kristijan Švarc Šiling svojevremeno je iznio neke ocjene koje bacaju posebno svjetlo na politiku međunarodne zajednice u Bosni i Hercegovini. Na osnovu onoga što je on rekao ispada da je krucijalni stav međunarodne birokracije da u Bosni treba pustiti stvari da idu svojim tokom. A to može ići svojim tokom sve do podjele. Mi prisustvujemo procesu dugotrajnog raspada zemlje koja se nikada neće raspasti. To je paradoksalna situacija koja blokira bilo kakvu promjenu. Ako Zapad ima bilo kakvu politiku prema Bosni, ona se, prema mom uvidu, svodi na to da Sjedinjene Američke Države žele održati Bosnu i Hercegovinu kao političku konstrukciju sastavljenu od dva entiteta, dok Brisel, bez obzira na to šta javno govori, želi samo jedno - da Bosna i Hercegovina ne uđe u Evropsku uniju. To je moj dojam.

Ivo Banac: Slažem se da je američka politika uvijek bila više artikulirana u prilog kontinuiteta Bosne i Hercegovine, dok to nije bio prioritet evropske politike. Njen prioritet je da Bosna i Hercegovina ne stvara probleme Evropskoj uniji. Razlika doista postoji. Možemo govoriti i o nekim drugim silama, gdje je destruktivna djelatnost izraženija. Tu svakako mislim na Rusiju.

Mislite li i vi da je u Bosni i Hercegovini na djelu proces raspada zemlje koja se ne može raspasti?

Ivo Banac: Da. Mislim da je destrukcija zamašna i da je intenzivnija nego što je bila. To se može pokazati na raznim primjerima, ali sve to ipak ne znači da je moguće do kraja uništiti Bosnu i Hercegovinu. To jeste paradoks.

Nerzuk Ćurak: Bosna i Hercegovina je zaista u dugotraj-



Brana Sreću Draga.
brothersisterfood.com

Olde Salem Apartments

CALL FOR SPECIAL OFFERS*

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies



NO APPLICATION FEE! **

Za sve informacije na našem jeziku obratite se Nermini. Tel: 770-963-7057

345 Stone Mountain St. - Lawrenceville, GA 30045

Directions: I-85 North to 316 towards Lawrenceville/Athens. Exit GA 120 East & turn right. Go about 1 mile to Langley Dr. & turn right. Turn right at Constitution & turn right onto Stone Mountain St. We are on the left.

*Prices & Specials Subject to Change. **With Approved Credit.

noj eksperimentalnoj proceduri, to je zemlja koja se naprosto opire svome urušavanju, zemlja koja je u svojoj dugogodišnjoj povjesti opstala i u najtežim situacijama. Sve to šalje poruku da je najbolje ulagati energiju u njenu izgradnju, ali na žalost, niti u zemlji imamo kompetentne političke elite da to razumiju, niti imamo međunarodnu zajednicu koja to može shvatiti, nego prihvata najprimitivnije obrasce mišljenja o Bosni i Hercegovini koji, evo, već dvije decenije samo proizvode jednu lošu beskonačnost. Mi sada imamo podjelu unutar te zajednice. Grupa zemalja koju predvode Sjedinjene Američke Države, a u kojoj su i Velika Britanija i Turska, zalaže se za očuvanje Bosne i Hercegovine, Njemačka se malo povlači, dok druga linija - briselska smatra da se problem može riješiti tehničkim pristupom i izgraditi neka zemlja koja ne mora ući u Evropsku uniju, ali koja neće praviti probleme. Mislim da je to apsolutno kratkovidno.

Gospodine Ćurak, rekli ste da se Njemačka povlači. Da li mislite da je Njemačka, koja je najjača zemlja u Evropskoj uniji i koja na neki način diktira njenu politiku, u ovom trenutku nezainteresovana za Bosnu i Hercegovinu?

Nerzuk Ćurak: Taj proces traje još od povlačenja Švarca Šilinga koji je de facto otjeran. Bosna i Hercegovina u svjetskim razmjerama nije važna zemlja, ali, na žalost, preko nje se mnogo toga prelama. Bojim se da je zbog interesa Njemačke da ima dobre odnose sa Rusijom ojačana pozicija samo jednog entiteta, a derogirana pozicija Bosne i Hercegovine. Za ovo nemam dokaza nego iznosim jednu špekulaciju, ali procesi na terenu upućuju na to da moramo misliti i o tim geopolitičkim kategorijama.

Ivo Banac: Mislim da ima argumenata za takvo tumačenje. Samo bih nadodao da sve ono što slabi jedinstvo Evropske unije, a takvi procesi su danas na djelu, slabi i njezinu zajedničku politiku, uključujući i onu Njemačke prema Bosni i Hercegovini i prema ovom dijelu svijeta

Sve ono što slabi jedinstvo EU slabi i njezinu zajedničku politiku prema BiH.

Brisel i Vašington iz sve snage nastoje da nađu rješenje za problem Kosova. Kad je u pitanju Kosovo, ne žale ni novac, ni vrijeme i najdirektnije se angažuju u pregovorima između Beograda i Prištine. Kad je Bosna i Hercegovina u pitanju, i Evropska unija i Sjedinjene Američke Države već godinama ponavljaju da sami bosanskohercegovački lideri treba da se dogovore, a dobro znaju da se oni nikad neće dogovoriti. Kako tumačite taj različit odnos prema Bosni i Hercegovini i Kosovu?

Ivo Banac: Ne bih se baš u svemu složio s tim kako ste predstavili kosovsku situaciju. Mislim da se želi natjerati Beograd da prizna realnost Kosova, ali ne mnogo više od toga. Želi se spriječiti, to je sasvim sigurno cilj američke politike, da se stvori država u državi, kao što je bio slučaj sa Republikom Srpskom u Bosni i Hercegovini. Mislim da se više od toga u ovom trenutku ne može očekivati. Kada malo bolje pogledate, te dvije politike nisu tako radikalno različite.

Zar ne mislite da se i Brisel i Vašington mnogo više angažuju oko Kosova? Vrše stalni pritisak da se Beograd i Priština dogovore, dok u Bosni i Hercegovini, kako kaže gospo-

din Ćurak, puštaju da stvari idu onako kako idu.

Ivo Banac: To je istina, ali do koje mjere su rezultati bitno različiti. Osim toga, kosovsko pitanje je vezano sa raznim drugim pitanjima. U prvom redu sa širim albanskim pitanjem, koje ima i svoje zagovornike u centrima moći, tako da i to moramo uzeti u obzir.

Nerzuk Ćurak: Ja u tome vidim potpunu hipokriziju međunarodne zajednice. Šta se uzima kao argument kojim se želi spriječiti konstitucija zajednice srpskih općina na Kosovu koja bi imala izvršnu vlast? Strah od formiranja nove Republike Srpske na Kosovu. To govore zvanični predstavnici i Brisela i Vašingtona. Oni su, znači, svjesni da pozicija Republike Srpske u Bosni i Hercegovini, najblaže rečeno, nije pravedna sa stanovišta cjeline te države, a istovremeno nam govore da je dejtonska konstitucija Bosne i Hercegovine, sa Republikom Srpskom i Federacijom, nešto fenomenalno, da to ne treba dirati, samo političari unutar te konstrukcije treba da se dogovore. A onda, kad je Kosovo u pitanju, kažu da tamo ne smije da se desi upravo ono što hvale u Bosni i Hercegovini, jer u tom slučaju nema mogućnosti da se na Kosovu konstituiraju samoodrživa politička zajednica. Sve to govori da je Bosna i Hercegovina naprosto bačena niz vodu. To je najveća tuga i bijes koji odgovoran, misleći čovjek može da osjeti. Vidi šta se dešava, a ništa se ne može promijeniti. Znači, pristup je različit u onoj mjeri u kojoj se ne dozvoljava da se na Kosovu ponovi Bosna. A to što se u Bosni multiplicira nemogućnost izgradnje države - koja briga.

Ivo Banac: To ide tako daleko da se u službenom dokumentu, koji je na razgovorima u Briselu ponuđen predstavnicima Srbije i Kosova, izbjegava etničko ime za ono što u Beogradu nazivaju zajednica srpskih općina. U službenom dokumentu se to naziva Evropska regija sjeverno Kosovo. Zapravo, jedna od većih grešaka međunarodne zajednice, ako ne i najveća, bila je dati etničko ime jednom entitetu u Bosni i Hercegovini, jer to potpuno deligitimira svaku vrstu nacionalnog pluralizma u tom entitetu.

Postoje li krugovi na Zapadu koji hrabre Dodika u njegovom nastojanju da Republiku Srpsku izdvoji iz Bosne i Hercegovine?

Nerzuk Ćurak: Jasno je da Dodik već nekoliko godina provodi strategiju destrukcije države da bi stvorio uvjete da sve ide svojim tokom - sve do podjele. To se, međutim, neće desiti i zato je to iracionalna politika. Ja bih stvar okrenuo. Upravo je Milorad Dodik svojim secesionizmom i negacijom zajedničke države, politikom odvajanja najvećeg dijela bosanskih Srba od Bosne i Hercegovine, zaslužan za ovakav odnos međunarodne zajednice prema Kosovu. Budući da je on poslao poruku da ne želi da se Republika Srpska izgrađuje kao pokrajina Bosne i Hercegovine koja doprinosi integraciji i izgradnji te države, međunarodna zajednica je iz toga izvela sud da se takvo nešto ne smije desiti na Kosovu. Na neki način ispada da je Milorad Dodik grobar srpskih zahtjeva na Kosovu.

Ivo Banac: Ima takvih političkih krugova i pojedinaca. Njihovo umovanje se može svesti na slijedeće - ako ovako nije u redu, hajde da vidimo šta se može napraviti podjelom. Oni misle da je u tome rješenje, a ne vide da bi to zapravo bilo otvaranje još jedne runde vrlo žestokog sukoba. Ima takvih krugova i ne smijemo kriti od javnosti da oni često mogu utjecati u vrlo osjetljivim trenutcima.

**NAJPRISTUPAČNIJE CIJENE REKLAMIRANJA
NA TELEVIZIJI!**



***Imate biznis? Želite više posla?
Oglašavajte se i Vi na televiziji!***



1-877-747-6097 :: info@europlus.tv

Reklamirajte Vaš biznis za samo

\$250 mjesečno

(dužina trajanja ugovora 6 mjeseci)

Privatne poruke i mali oglasi

\$100 mjesečno

(bez ugovora)

To su, znači, uticajni krugovi?

Ivo Banac: Da, utjecajni, ali ne najvažniji. Službena politika nije otišla tako daleko da bi zagovarala takvo što, ali to postoji kao rezervna politika. Zato čovjek mora biti itekako oprezan sa raznim, na prvi pogled, nevažnim izjavama koje redovito dolaze od nekog umirovljenog ambasadora ili bivšeg političara koji kaže: "Pa zar nismo pretjerali sa svim tim pokušajima da održimo neodrživo, hajdemo sada vidjeti šta se može napraviti na drugi način". Takvih izjava, ne spominjući imena, bilo je više zadnjih godina.

Nerzuk Ćurak: Naravno da ima takvih krugova i političara koji zagovaraju podjelu. Ta antibosanska matrica je prisutna. Na kraju krajeva, i ljudi iz regije lobiraju, koriste se diplomatske veze prethodne države, koriste se obavještajni krugovi da bi se u svijetu stvorila slika o Bosni i Hercegovini kao državnoj zajednici koja je neodrživa.!

Da li se popustljivost prema Dodiku može tumačiti i strahom od islama?

Nerzuk Ćurak: To je dosta osjetljiv teren. Procesi koji se dešavaju na Bliskom istoku, de facto od 11. septembra 2001. pa do danas, proizveli su medijsku konstrukciju desnih globalnih medija u kojoj je terorističko djelovanje jedne skupine muslimana postalo globalna predstava o muslimanima. Naravno da su protivnici Bosne i Hercegovine iskoristili taj geopolitički koncept da oslabe poziciju Bosne i Hercegovine imajući u vidu da u njoj živi značajan broj muslimana. Pogledajte koliko u zapadnim zemljama raste ksenofobija, naročito islamofobija, i sve se to koristi kao jedna vrsta podzemnog

predstavnicima Brisela i Vašingtona kažu da je dejtonska konstitucija BiH, sa RS i Federacijom, nešto fenomenalno, a onda, kad je osovno u pitanju, kažu da tamo ne smije da se desi upravo ono što hvale u BiH.

rata protiv Bosne i Hercegovine. Istovremeno u Bosni i Hercegovini se pronalaze ljudi koji su zainteresirani da se ta slika reproducira tako da se ne mogu potcijeniti veze koje se uspostavljaju između nekih političkih aktera u Bosni i Hercegovini i onih u inostranstvu. Međutim, ne smatram to krucijalnom političkom činjenicom. Problem je nešto drugo. Unošenje takvih zapaljivih ideja u medijski prostor odvrća pažnju od rješavanja našeg ključnog problema, a to je dejtonska konstitucija države Bosne i Hercegovine. Ako se ona ne promijeni nastavićemo da živimo u lošoj beskonačnosti. Ne samo mi - nego i djeca naše djece.

Ivo Banac: Strah od islama se ne smije zanemarivati. Takva raspoloženja, koja nisu uvijek dio oficijalne politike, postoje u širim slojevima i to ima stanovite posljedice. Dodao bih i ovo. Razočaranje zbog posljedica Arapskog proljeća, tenzije na Bliskom istoku, ovo što se događa u Siriji su također argumenti koji se u ovom kontekstu mogu koristiti protiv bilo kakvih novih poteza u stabilizaciji Bosne i Hercegovine.

Čini mi se da je jedan od razloga duboke krize u kojoj se nalazi Bosna i Hercegovina i to što je ona praktično projektorat međunarodne zajednice kojim rukovodi guverner,

odnosno visoki predstavnik, koji odbija da vlada i da koristi svoja ovlaštenja.

Ivo Banac: To je trenutna situacija, nije tako uvijek bilo. Mi smo imali razne guvernere. Neki su bili, barem naizgled, vrlo aktivni, neki manje, ali u ovom trenutku doista imamo guvernera koji ne želi vladati. To ne samo da je paradoks - to je apsurd, ali to je nešto što je posljedica odluka ključnih kabineta koji ne žele aktivizam.

Nerzuk Ćurak: Već sam rekao da međunarodna zajednica u Bosni i Hercegovini proizvodi sopstveni besmisao. Radi se o tome da je međunarodna zajednica svedena na jednu kancelariju koja se, uz svu svoju moć i ovlasti, reducirala na neku benignu nevladinu organizaciju. Ali, ako je to tako, a jeste, onda nam to trebaju reći. Ako oni smatraju, a to nam već godinama govore, da domaći političari sve sami trebaju da riješe, onda je međunarodna zajednica suvišna. Ali, ako je međunarodna zajednica suvišna i odlazi iz Bosne i Hercegovine, to znači da iza nje ostaje država koja je nadišla dejtonsku konstrukciju, a to nije slučaj. U tome je sav besmisao ponašanja međunarodne zajednice u Bosni i Hercegovini.

Da li to znači da se praktično ništa ne bi promijenilo kada bi sad međunarodna zajednica otišla iz Bosne i Hercegovine?

Ivo Banac: Ja to nikada ne bih predložio. Mnogo toga bi se promijenilo, destruktivni apetiti bi se pojačali, možda čak počeli pretvarati u stvarne politike, čak i u vojnom smislu.

Vjerujete li da je Bosna i Hercegovina zbog suštinske nezainteresovanosti Brisela i Vašingtona za stanje u toj zemlji osuđena na permanentu krizu?

Nerzuk Ćurak: Nema šta da vjerujem. To je tako. Na to ukazuje bezbroj činjenica. Htjeli mi to priznati ili ne, bez zbiljske intervencije vanjskog faktora ovdje se neće ništa promijeniti. Samo će se trošiti vrijeme u kojem će politika i dalje biti jedini unosan posao i to politika koja će se zasnivati isključivo na etnonacionalnim kategorijama i na taj način blokirati svako socijalno nezadovoljstvo i svaku pobunu protiv kleptokratskih upravljačkih elita koja bi mogla objediniti ljude različitih nacija. Ali da se razumijemo, svaka zemlja u kojoj bi bio instaliran ovakav politički poredak bila bi dovedena u ovakvu situaciju. Ja volim navesti primjer Crne Gore. Zamislite da je Crna Gora konstituirana kao etnoteritorijalna zajednica srpskog i crnogorskog entiteta. Ona danas ne bi bila toliko ispred Bosne i Hercegovine u procesu evroatlantskih integracija nego bi bila u istoj agoniji kao i Bosna i Hercegovina. Permanentna kriza je drugo ime dejtonske Bosne i Hercegovine.

Ivo Banac: Ima nešto u ovom što kolega Ćurak kaže, ali ja se ipak nadam da će biti izlaza iz ove slijepe ulice. Ja mislim da svaka faza stanovite krize, a ova u Bosni i Hercegovini je na djelu već gotovo dva desetljeća, mora doći svome kraju. To ne mora nužno biti povezano sa situacijom unutar Bosne i Hercegovine, pa čak i regije. Impulsi mogu doći i izvana i mogu biti povezani sa nekim za nas još uvijek nepredvidljivim situacijama. Zato ne mislim da je trenutna situacija u Bosni i Hercegovini, ovako negativna kakva je, trajno stanje. Ona se može promijeniti bilo kao rezultat vanjskih impulsa, ali i zbog raznih internih događanja i stanovitih promijena u svijesti samih građana Bosne i Hercegovine.

Omer Karabeg Radio Slobodna Evropa

**Dodite i kupite sve na jednom mjestu
UŠTEDITE I VRIJEME I NOVAC!**



**Clarkston Village Shopping Center
926 Montreal Road
Clarkston, GA 30021**

926 Montreal Road, Clarkston, GA

404-296-6493

**THRIFTOWN
Clarkston Village**

Zašto volim Bosnu?

Neuspjehom Jugoslavije pali smo na ispitu iz suživota. Preostaje nam još samo BiH...

Prošao sam Bosnu uzduž i poprijeko i uvjerio se da Bosna nije višejezična sredina. U gradovima i selima ljudi govore istim jezikom, iako nas velikaši, proklete im duše, uporno ubjeđuju da govorimo različitim jezicima i da su razlike među nama nepomirljive. Pritom, veoma je diskutabilno da li je Bosna i Hercegovina višenacionalna sredina.

Odrednice Srbin, Hrvat i Bošnjak se mogu, sa gotovo sto procentnom izvjesnošću, koristiti kao sinonimi za vjersku pripadnost, umjesto riječi pravoslavac, katolik i musliman našeg jezika.

Istorijski osvrt

Tokom istorije, u Bosni je uporno opstajao višereligijski suživot, dok je u Srbiji preovladala jednoobraznost. U srednjovjekovnoj Srbiji je zakon nalagao vjersku isključivost i netrpeljivost, jer vladajuća pravoslavna religija nije tolerisala postojanje drugih vjera.

U srednjovjekovnoj Bosni su zajedno živjeli katolici, pravoslavci i bogumili. Dok su u Raškoj bjesnili vjerski progoni, Bosna je prihvatila ljude različitih vjera. Dok je Stefan Nema-

nja proganjao naše pretke, dobri Ban Kulin im je pružio utočište. Ko je od našeg naroda tražio slobodu, taj je išao u Bosnu. U Raškoj su vladali samodržavlje i vjerski progoni.

Tokom svoje vladavine, muslimani su se ipak pokazali tolerantnijima od pravoslavaca. Iako su krajem srednjeg vijeka muslimani na ove prostore došli kao zavojevači, jedna je činjenica neosporna – dozvolili su da druge vjere postoje i da pravoslavne bogomolje vijekovima ostanu čitave.

Otomanski sistem religijskog pluralizma definitivno predstavlja civilizacijski iskorak u odnosu na vjersku isključivost nemanjičke Srbije. Uprkos tome, Srbi su u XIX vijeku, od svog ustanka do sticanja državnosti, uništili gotovo sve džamije na području tadašnje kneževine Srbije. Tako su u Užicu porušene 34 džamije, u Smederevu 24, a u Beogradu na desetine njih. Slično se ponovilo i tokom rata u Bosni.

Bosna i Hercegovina je kolijevka našeg zajedničkog jezika. Jezik srednjovjekovne srpske države, koji poznajemo uglavnom preko vladarskih povelja i crkvenih spisa, prilično se razlikuje od današnjeg srpskog jezika.

Jezik srednjovjekovne Bosne i Huma, koji poznajemo preko natpisa sa stećaka, je prilično sličan jeziku kojim danas govorimo, i uglavnom razumljiv bez prevođenja. Ovo nimalo ne iznenađuje, uzme li se u obzir da je upravo hercegovački govor bečkim književnim dogovorom 1850. godine određen za zajednički književni jezik Srba i Hrvata (i drugih južnih Slovena), poznat kao srpsko-hrvatski jezik.

Na hercegovačkom govoru počiva čitava jezička reforma Vuka Karadžića na temelju koje su nastali savremeni srpski, hrvatski, bosanski i crnogorski jezički standardi. Bosna i Hercegovina je kolijevka partizanskog otpora. Tokom Drugog svjetskog rata Bosna i Hercegovina je predstavljala središte otpora nacionalističkom ludilu i međuetničkom istrebljenju. Dok su u Srbiji i Hrvatskoj preovladavale ekstremno nacionalističke snage u Bosni su partizani uspješno vodili borbu protiv fašista i kvislinga za ponovno ujedinjenje raskomadane domovine. Igman, Kozara, Neretva, Sutjeska, Jajce, Drvar, samo su neki od toponima koji podsećaju na upornu borbu naših naroda u Bosni i Hercegovini. Možda je kobna greška partizana bila što su nakon oslobođenja uzeli Beograd, a ne višenacionalno Sarajevo za glavni grad SFR Jugoslavije.

Rat u Bosni i Hercegovini

Nije tajna da je Srbija stvorila Republiku Srpsku, kada je 1992. godine poslala vojsku, specijalce i dobrovoljce, te nahuškala, naoružala i organizovala Srbe u Bosni i Hercegovini. Čitave oblasti jedne multikulturne države su vojskom zaposjednute, etnički očišćene i proglašene srpskom teritorijom.

Tzv. Republika Srpska, ta žalosna tvorevina koja pokušava da bude srpskija od same Srbije, pokazatelj je naše nezrelosti za zajednički život, poštovanje bližnjega i prihvatanje različitosti. Ovo patološko stanje je urodilo stravičnim progonima i pokoljima naše inovjerne braće, koje istorija pamti kao bosanski genocid.

Tokom rata su na teritorijama pod srpskom kontrolom džamije sistematski uništavane. Frapantan primjer je Banja Luka, u kojoj su sve gradske džamije (njih šesnaest) uništene uz sadejstvo gradskih vlasti, iako u gradu nije bilo izravnih ratnih dejstava. S druge strane, u Sarajevu, koje je godinama bilo pod srpskom opsadom, iako neke srpske crkve jesu uništene (neke usljed samog srpskog granatiranja), one nisu sistematski uništavane.

U Bosni nije okončan rat, u Bosni je zamrznut sukob. Dovoljan je letimičan pogled na međuetnitičke granice Bosne i Hercegovine da bismo vidjeli da je to samo zaleđena linija fronta u bratoubilačkom ratu. Rat u Bosni i Hercegovini nika-da nije završen.

Danas se vodi putem politike da bi sutra ponovo mogao oružano eskalirati. Bosni je potreban trajan, pravedan i održiv mir. Tzv. Dejtonski mir je suštinski nepravedan, jer je zacementirao rezultat etničkog čišćenja nersrpskog stanovništva Višegrada, Zvornika, Bijeljine, Prijedora, Foče, Srebrenice i



SAVING A LIFE
from a catastrophe
EVERY 11 MINUTES!

I live
alone
but I'm never alone.
I have Life Alert®.

Ask about our
Money Back Guarantee

One touch of a button sends help fast in:
medical • fall • fire • invasion • CO gas emergencies.

Life Alert 

For a **FREE** brochure call:
1-888-375-2685




tel > 1.773.525.4889
fax > 1.773.435.6753
e-mail > info@styletravelusa.com

<4109 North Kedzie Ave, Chicago, IL 60618>

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!

Nudimo i usluge prevoda, popune i ovjere dokumenata.

Nudimo i
paket aranžmane za

- * Mexico
- * Caribbean
- * Hawaii



< www.styletravelusa.com >



www.fastv.com



GLEDAJTE TV KANALE NA IPHONE/IPOD/IPAD BESPLATNO!

 **BESPLATNO NA APP STORE "FASTV"**

www.FASTV.com • 1-866-639-8911

mnogih drugih gradova Bosne i Hercegovine.

Tragičnim spletom događaja, Srebrenica danas pripada Republici Srpskoj. Srbija mora jasno osuditi zaposjedanje teritorije istrebljenjem, da bi pokazala da je raskrstila sa ideologijom širenja teritorije, koja je predugo usmjeravala njenu unutrašnju i vanjsku politiku. Srbija zaista nema razloga da podržava Republiku Srpsku, taj ostatak njene nesrećne politike 1990-ih.

Civilizacijske perspektive

Bosna i Hercegovina je otvorena mogućnost našeg zajedničkog života, pravoslavaca, katolika i muslimana istog jezika. Politička ideja Bosne i Hercegovine je načelo suživota naspram plemenske podijeljenosti, vjerska trpeljivost naspram vjerske isključivosti.

Mnogi građani Bosne i Hercegovine su dospjeli u tužnu situaciju da pod uticajem huškačke propagande prezru svoju domovinu. Poznajem mnoge bosanske Srbe koji preziru Bosnu, a obožavaju Srbiju. Oni grdno griješe. Srbija nije vaša majka, vaša majka je Bosna. Nemojte prezirati zemlju vaših otaca. U Bosni vaš narod živi već vijekovima. U srednjem vijeku, kada Srbija nije ni postojala, već samo vazalna kneževina Raška, vaši preci su u kraljevini Bosni odolijevali raznim moćnicima sa istoka i zapada.

Bosna nikada nije bila u sastavu Srbije, i ukoliko ima pravde, nikada neće ni biti. Najmoćniji srpski srednjovjekovni



vladari, kao što su Stefan Nemanja i Dušan Silnik, nisu uspjeli da uključe Bosnu u svoju državu. Vijekovima kasnije, to nije pošlo za rukom ni Slobodanu Miloševiću. Srbija ni ne treba da teži da osvaja i pripaja Bosnu, već treba da bude sa njom u zajednici na ravnopravnim osnovama.

Srbija od Bosne treba da nauči različitost. Za razliku od Srbije, Bosna ima dugu tradiciju multikulturalnosti. Koncept bosanstva počiva na suživotu različitih vjerskih tradicija i ima kapaciteta da integriše ljude različitih etno-religijskih tradicija koji dijele isti geografski prostor. Koncept srpstva, nažalost, nema taj kapacitet, jer počiva na principu vjerske isključivosti. On je isključiv u svojoj biti, ne samo prema drugim narodima, već i prema sunarodnicima koji ne pripadaju pravoslavlju.

Logičan ishod politike isključivosti je istrijebljenje. Nije slučajno što je srpstvo definisao upravo episkop Njegoš u kontekstu istrebljenja domaćih muslimana (tzv. „istraga poturica“). Ovaj koncept djeluje dezintegrativno čak i po samu Srbiju, onemogućujući joj da postane država svih svojih gra-

đana, odnosno moderna politička nacija. Stoga neki kritičari predlažu redefinisane koncepta srpstva na principu integracije.

Sarajevo često nazivaju balkanskim Jerusalimom, jer se u njegovom centru jedna do druge nalaze islamska, pravoslavna, katolička i jevrejska bogomolja. Beograd se, nažalost, ne može pohvaliti takvim poštovanjem svojih različitih naslijeđa – beogradska sinagoga i džamija su skrivene i getoizirane, beogradski budistički hram, jedan od prvih u Evropi, odavno je zapušten i srušen.

Pejzažom Beograda suvereno dominiraju isključivo pravoslavni hramovi. Beograd se uporno odriče sopstvene prošlosti – od nekadašnjih dvjestotinjak džamija u Beogradu, opstala je samo jedna, a i ona je spaljivana. Izgleda da taj grad još uvijek nije dovoljno zreo da vidno istakne svoje različite tradicije. Da bi izrastao u istinsku metropolu, Beograd mora prihvatiti svoju različitost.

Bosna je srce Balkana. Bosna i Hercegovina je geografsko, jezičko i etničko središte našeg naroda podijeljenog religijom, dok su Hrvatska i Srbija zapadna i istočna periferija. Ukoliko se muslimani, katolici i pravoslavci našeg jezika odluče na suživot u Bosni i Hercegovini, to će se blagotvorno odraziti na sve susjedne države.

Zajednička Bosna i Hercegovina trenutno ne postoji. Varnari još od rata pokušavaju da raskomadaju Bosnu i Hercegovinu na zavađene etno-religijske entitete, predstavljajući politiku aparthejda i segregacije kao nešto poželjno. Od polovine višereligijske države je napravljena vjerski isključiva paradržava Republika Srpska. U ostalim dijelovima je uspostavljena prevlast Bošnjaka ili Hrvata.

Stvarnost je premašila najluđa predviđanja sarajevskih nadrealista, uključujući izmišljanje novih jezika i podjelu djece po nacionalnoj osnovi u vrtićima i školama. Izlaz iz ovakvog stanja treba tražiti u ukidanju ratnih entiteta i okretanju oblasnim autonomijama, nevezanim za nacionalnu pripadnost. Živjela zajednička Bosna i Hercegovina, u čijim će se školama učiti jedan jezik, jer se jedan jezik govori u narodu.

Velika je stvar što Bosna i Hercegovina još uvijek postoji. Kao jedina višenacionalna država na Balkanu, ona je trn u oku svim nacionalistima, posebno nakon raspada naše zajedničke države SFRJ. Neuspjehom Jugoslavije pali smo jedan veliki ispit iz suživota. Za zajednički život nam je preostala još samo Bosna i Hercegovina.

Bosna nam je jedina nada!

Srbija je pokušala da ubije Bosnu i Hercegovinu. Ubijajući Bosnu, Srbija je ubijala i sebe, jer se ekstremizam iz Republike Srpske vraćao kao bumerang ubijajući građansku Srbiju.

Politika je umjetnost mogućeg, koju ne mogu voditi politički analfabeti najraznorodnijih profesija i kriminogeni zaštitnici nacionalnih i vjerskih interesa, koji se jedino mogu neodgovorno bogatiti na ovoj gluposti od države i gluposti svojih zastrašenih stada. No, isti smo narod, diferenciran na osnovu vjere i to će nas „kočiti“ sve dok ne stasa prava građanska klasa kojoj će biti važnija samoreproduktivna i uspješna Bosna (i Hercegovina), a ne broj Hrvata, Srba, Bošnjaka sa automatski „betoniranom“ religijom u njoj.

Pripremio Avdo Čatić.



Am Dent, Inc.



Dental Care for Entire Family

Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partial
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted
 Medicaid (under 21) Peachcare
 Major Credit Cards

NOW OFFERING! Ortho (Braces) Special - FREE Ortho Consultation
 New Patient Special (Exam, X-Rays, Cleaning) - ONLY \$75
0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

- * SECURITY
- * JANITORIAL SERVICES

NOW LEASING Atkinson Arbors Office Suites

- * GATED COMPLEX
- * LOBBY & BREAK ROOM

Starting at
\$250.00

Up to
4,000 sq.ft.
available



Call 770-317-7124

1530 Atkinson Road, Lawrenceville, GA 30043

Bamija kao stimulans begova

U potrazi za autentičnim bh. kuharom i piscem koji bi se mogao okušati i u kuhanju, potpisnica ovih redova završila je na pijaci i sopstvenim snagama napravila omiljeno jelo begova – bamiju.

Bosanski lonac, cicvara, popara, burek, krompiruša, ključka, tufahije.... Putovanje po trpezama se, prateći nazive ovih jela, pretvara u još jedno putovanje uzduž i poprijeko Bosne i Hercegovine. Svaki kraj ima različite recepte za jela pod istim nazivom, ili obrnuto - isti recepti i jela imaju različita imena. Dosta vam je konzervi, modernih jela što mirišu na celofan u koji su sastojci bili upakovani, ili "lakiranih" paprika čiji sok na ruci ostavlja crveni trag poput laka za nokte? Zavirite u "bosanski lonac", kulinarsku reportažu Ljiljane Pirolić.

Piše: Ljiljana Pirolić

Skuvala sam Almadiju. Znam, zvuči kao naslov nekog horora, ali vjerujte na riječ, stvar je mnogo bezazlenija. Neki gurmani koje smo uspjeli 'navući' na tradicionalnu bh. kuhinju, pitaju me ovih dana, znam li, ima li neki dobar kuhar, kuhar ili kuharica iz te kulinarske oblasti. Gotovo zapanjena da mi je takva činjenica nepoznata, obilazim sarajevske knjižare, za mene potpuno sveta mjesta, u potrazi za bosanskim kuharima. Prisjećam se da je prošle godine veliki bum napravio „Bosanski kuhar“ koji je napisala Lamija Hadžiosmanović. Prvo izdanje je brzo 'planulo', a onda se kuhar ponovo mogao vidjeti u knjižarskim izlozima.

Jedini bh. kuhar i težak i skup...

U knjižari „Sejtarija“, u samom centru Sarajeva, ljubazna uposlenica Aida Hadžihafizbegović mi pokazuje ovaj kuhar, vrlo luksuzno izdanje, sa odličnim fotografijama, koji ima i svoju englesku verziju. Cijena je visoka (122 KM), pretežak je za držanje u blizini šporeta dok kuhate, a strah da bi nešto moglo da ga popršće, bio bi sigurno blokirajući, jer on izgleda kao Biblija modernih gastronomata. „Imate samo ovaj jedan kuhar bh. tradicionalne kuhinje?“ pitam Aidu. „Da, samo taj kuhar. Ništa više.“ „A da li bi nam profesorka Hadžiosmanović, možda skuhalo nešto po receptima iz svog kuhara?“ „Ja mislim da bi. Evo, uostalom, pitajte je sami“, kaže Aida i pruža mi telefon na kojem je već ukucala broj autorke.

Dopada joj se moja ideja o 'Bosanskom loncu', rado bi pripremila bamiju prema svom receptu iz kuhara, ali, nažalost, pune dvije sedmice potpuno je okupirana obavezama. Putuje po BiH i drži predavanja o tradicionalnoj bh. kuhinji i uopšte o tradiciji naroda i narodnosti našeg podneblja. „Divno“, kažem, i dogovaramo razgovor za neko drugo vrijeme. Pitam, mogu li prepisati recept za bamiju iz njenog kuhara. „O, samo uzmite. Nema nikakvih problema“, kaže autorka „Bosanskog kuhara“.

Ali, zar nismo u recesiji?

Obilazim zatim, male i velike knjižare u Sarajevu i namjerno, za kraj ostavljam knjižaru „Svjetlost“ u Titovoj ulici, knjižaru naše mladosti, koja je nedavno dobila novi, moderan izgled. Tu smo nekada kupovali školske udžbenike u dugim redovima, a danas je to moderno opremljen prostor koji nudi i prilično veliki štand sa mnoštvom kuhara, ali, avaj... U moru izdanja iz Hrvatske i Srbije (nemam ništa protiv komšija!), samo su dva kuhara koji tretiraju bh. kuhinju. Već pomenuti kuhar Lamije Hadžiosmanović i jedno patuljasto izdanje koje potpisuje Stevan Krstec Starčinski. Cijena mu je odlična, 4,5 KM. Što se čudite mom uskliku? Nije da volim jeftine stvari, ali zar nismo u recesiji?



Kupujem taj mali kuhar, a onda, kad sam pomislila da ćemo nakon dužeg vremena konačno imati muškarca koji će kuhati za naš serijal, zaključujem da je riječ o beogradskom izdanju, a i autor živi u Beogradu!

Bio je to prst sudbine. Kucnuo je čas da i ja nešto skuham. Nešto dobro i ukusno, bez i same primisli na papazjaniju koju nam već duže vrijeme kuhaju naši političari. Nisam odustala od bamije, jednog od najčešćih jela na bh. trpezi, jela koje ponekad zovu i bajramskom bamijom, jer se ovaj praznik ne može zamisliti bez bamije. Ova biljka koja je takođe na cijeni u Grčkoj, Bugarskoj i Makedoniji, porijeklom je iz Abesinije i istočne Indije, a u BiH raste u njenim sjevernim krajevima. Na cijeni je posebno sorta Almadija iz Gradačca.

Na pijaci, na Markalama, Esmu Gačanin objašnjava mi sve prednosti Almadije. Bamija je nanizana na konac. Jedan niz je 4 KM, a tri za deset maraka. Zašto tri? Zato što su za bamiju za četiri osobe, obično potrebna tri niza suve bamije. Ako ne možete da nabavite Almadiju, probajte sa zamrznutom bamijom. Ukus je isti, razlika je samo u izgledu. Suha bamija je sitnija. Usput, kupujem i jedno pakovanje zamrznute bamije, da na licu mjesta vidimo tu razliku. U mojoj kuhinji



Bamija u cvatu

gdje se svakodnevno odvijaju čudesni alhemičarski procesi, jer mašta je u kulinarstvu „must have“, upoređujem recepte za bamiju, ili bamju, iz jedina dva kuhara koji su mi dostupni: prepisani recept iz „Bosanskog kuhara“ i „Malog bosanskog kuvara“ autora Starčinskog i odlučujem: napraviću bamiju po vlastitom receptu, kako je pravim godinama. I to u dvije varijante: sa sušenom i zamrznutom - i gotova stvar.

Ko bi rekao da su begovima trebali stimulansi?

Za bamiju za četiri osobe, potrebno vam je:

250 gr. zamrznute ili 50 gr. suve bamije,

450 gr. teletine od plečke,

2 glavice crvenog luka,

biber, so, aleva paprika,

1-2 mrkve,

peršunov list,

malo sirćeta,

malo ulja (po izboru),

lovorov list,

1 limun.

Na malo ulja zažutite sitno isjeckan crveni luk, dodajte na kolutove isjeckanu mrkvu, a na sve to, na kockice isjeckanu teletinu i lovorov list. Podlijevajte vrelom vodom dok meso ne omekša. Dok se meso dinsti, u drugu šerpu naspite vodu i dodajte malo sirćeta. (Dvije supene kašike). U toj tekućini obarite bamiju koju ste prethodno skinuli sa konca. Potrebno je tek desetak minuta. Kad je meso već skoro gotovo, dodajte ocijeđenu i pod hladnom vodom ispranu bamiju i pustite da se sve zajedno krčka još 15-ak minuta. Na kraju posolite, pobiberite i dodajte kašičicu aleva paprike. Pospite sitno isjeckanim peršunovim listom. Postupak sa smrznutom bamijom je skoro isti, samo što se ona u tom slučaju ne kuha, nego samo onako zamrznuta izvadi iz vrećice, ispere pod mlazom hladne vode i doda mesu.

Bamija se služi sa kriškom limuna. Inače, zbog afrodi-

zijačkih svojstava, bamija je bila omiljeno jelo begova. Ko bi rekao da su begovima trebali stimulansi kod tako zanosnih hanuma...?

Punjene paprike à la Starčinski i Pirolić

Bamija je biljka iz roda sljezova. Prirodni je aromatik, afrodisijak, antispazmodik, digestiv, diuretik, kolorant i stimulant. Drugo ime joj je gombo ili gumbo što na grčkom znači – rog. Dio koji se upotrebljava za jela, upravo tako i izgleda: a zapravo je riječ o svijetlo-zelenim, do žuto-zelenim cvjetovima, koji nakon kratke cvatnje formiraju šestobridnu mahunu.

Htjela sam vam uz ovo jelo dodati nešto što nije salata, ali tako izgleda. Riječ je o jalandži dolmi sa sirom, koju Starčinski i ja pravimo na sličan način. Dakle, uzmite, za četiri osobe,

8 zelenih mesnatih, manjih paprika,

250 gr. mladog sira,

100 gr. kajmaka ili pavlake,

80 gr. sitno sjeckanog crvenog luka,

malo ulja, soli, majčine dušice.



Paprike operite i odrežite im poklopce. Očistite od sjemenki i jedno i drugo. Crveni luk sitno nasjeckajte i pomiješajte sa mladim sirom i kajmakom, ili pavlakom. Posolite, dodajte majčinu dušicu. Smjesom napunite paprike, vratite poklopce i ispecite u rerni. Paprike moraju stajati uspravno, inače će se sadržaj iz njih izliti i to neće biti dobro. Gotove su kada dobiju lijepu 'bakarnu' boju. Dobre su i tople i hladne. Nekada su se pekale ispod sača i tada su bile ravnomjerno ispečene sa svih strana. Ove moje su dobile 'koricu' odozgo i odozdo. Ali su bile dobre. I ne zaboravite, ovaj recept je za apsolutne početnike. Nema šanse da vam ne uspije. Osim... ako ste rođeni bez i malo talenta za kuhanje.

**U idućem broju:
"Sogan dolma: ljepotica sa Orijenta"**

Drugo Bijenale u Titovom bunkeru u Konjicu

U Titovom bunkeru nadomak grada Konjica, objektu Atomske ratne komande koji je u najstrožoj tajnosti izgrađen za vrijeme SFRJ, otvoren je drugi ciklus Bijenala savremene umjetnosti D-0 ARK Underground.

Međunarodno priznati kustosi Basak Senova (Turska) i Branko Franceschi (Hrvatska) odabrali su 35 umjetnika iz 19 zemalja. Uz radove prvog ciklusa, unutrašnjost bunkera krasi ukupno 70 radova. Ekspoziti i instalacije



Sa otvaranja Bijenala u Konjicu

usklađeni su u okruženje atomskog bunkera, te stvaraju jedinstven spoj vojnog i muzeja savremene umjetnosti.

ARK ili Alternativna ratna komanda, građen je 26 godina, od 1953. do 1979. godine. Nalazi se 280 metara ispod zemlje i prostire na površini od 6.584 kvadratnih metara. Ima 12 povezanih blokova i više od stotinu prostorija. Namjena mu je bila da 350 odabranih ljudi iz vojno-političkog vrha bivše Jugoslavije šest mjeseci zaštiti od atomskog napada.

Sada je Titov bunker oaza savremenog likovnog stvaralaštva. Značaj Bijenala je što na jednom mjestu okuplja regionalne i međunarodne umjetnike.

„U Bunker sada kada uđete, jednostavno, nećete prepoznati taj prostor. Umjetnicima je skrenuta pažnja da se taj prostor sačuva u izvornom obliku. Međutim, njihove intervencije u prostoru su fantastične“, kaže direktor Edo Hozić.

Prema riječima prvog čovjeka Bijenala, ovaj svojevrsni muzej u muzeju već ima veliku vrijednost. „Kad zatvorimo vrata drugog ciklusa Bijenala to su milionske vrijednosti. Imamo sve pretpostavke da poslije ovog ciklusa prostor postane

velika evropska galerija“.

Među 35 umjetnika iz 19 zemalja predstaviće se šest bh. kreativaca, pa tako i fotograf Almin Zrno. Polazište njegovog rada su utvrde u Bosni i Hercegovini koje su čuvale vladare prošlih vremena, te kako se aktualna vlast odnosi prema Titovom bunkeru - da li će dopustiti da se objekat zaboravi, ili će isti preoblikovati u neku novu vrijednost.

„Bez susreta sa svjetskim autorima, mi ne možemo komparirati sebe u tim globalnim okvirima. Ne da je potreba nego bi Bijenale trebalo da se održava svake godine. U ovoj zemlji postoji jako puno dobrih autora, ali su bez ikakve društvene pomoći za svoj rad i angažman. Ono što umjetnici čine na svjetskoj sceni je nemjerljivo u odnosu šta nama rade ovi ovdje koji bi, ustvari, trebalo da nas podrže“, kaže Zrno.

Arhitektica Ana Džokić živi na relaciji Beograd - Rotterdam, a sa kolegom Marcom Neelenom čini kreativni duo STE-ALTH.unlimited. Ona ističe da je prednost Bijenala D-0 ARK Underground ta što pruža šansu i onim neafirmisanim umjetnicima.

„U Holandiji je vrlo prisutna pomoć umetnicima. Postoje i različite fondacije koje se bave promocijom umjetnika, znači organizuju putovanja i projekte. U Srbiji je situacija potpuno drugačija. Mislim da je projekat Bijenala u Konjicu vrlo specifičan, jer ga Srbija i finansijski podržava, a što nije slučaj sa drugim zemljama ili sa drugim projektima. Vrlo je teško dobiti sredstva čak i u samoj zemlji, a ne za odlazak negde drugde“, kaže Džokić.

Mjesto gdje se čuje glas umjetnika

Prištinski umjetnik Alban Muja ranije je izlagao na bijenalima. Međutim, izazov je stvarati u prostoru kakav je Titov bunker.

„Sam prostor je interesantan i jedinstven. Ponekad se uplašim koliko je ovaj prostor svemoćan. Za potrebe Bijenala intervjuisao sam nekoliko učesnika i pitao ih kako se snalaze u prostoru i šta misle o njemu, a na osnovu tih izjava napravio sam crteže. To je opis mog rada“, ističe Muja. Conor McGrady je rodom iz Sjeverne Irske, ali već godinama živi u New Yorku.

„Budući da sam odrastao u Belfastu, mjestu koje je i danas u konfliktu, većina mojih radova su slike i crteže sa vojničkim motivima. Iako su prisutne ideje progressa, za svaki načinjeni korak naprijed gradimo veći zid i jaču granicu. Zapravo, tema mojih radova je strah od promjena, odnosno bojazan od socijalnih preobražaja“, riječi su McGrady-ja.

Iako je teško odrediti tematiku u djelima 35 autora, kustos drugog ciklusa Bijenala Branko Franceschi ističe da je to umjetnost koja se odnosi na vojno-društveni kontekst. Kako bi mogli odgovoriti na izazovne zahtjeve Bijenala, odabir učesnika je od ključne važnosti.

„To su umjetnici koji će moći raditi u bunkerima u uvjetima produkcije koja nije muzejska produkcija i koji smatraju da je važno ulagati u kulturu i umjetnost upravo zato što su oni umjetnici. Upravo se na taj način čuje njihov glas. Oni i šire, na dobar način, područje svoga djelovanja, te ljudima otvaraju potpuno nove perspektive i vizije gdje je to potrebno, a što se tiče suvremene umjetnosti - to je potrebno svuda“, kazao je Franceschi.

Kustosica iz Turske Basak Senova izuzetno je zadovoljna postignutim.

„Iz ovog projekta izranjaju različite ideje, pretvaramo vojni objekat u centar kulture a taj centar u savremeno umjet-

ničko središte. Svakako, to je veliki posao koji bi tek trebao da dobiye veće razumijevanje i priznanje“, rekla je Senova.

Nakon otvaranja drugog ciklusa Bijenala u Konjicu, slijedi učešće na Venecijanskom bijenalu, te predstavljanje projekta u Zagrebu i Istanbulu.



„Zahvaljujući UNESCO-u mi ćemo na 55. Venecijanskom bijenalu u Italiji, koje će se dešavati od 28. maja do septembra ove godine u Palazzo Zorzi održati prezentacija našeg projekta na kojoj ćemo pored ambijenta gdje se postavlja Bijenale, predstaviti i radove otprilike 25 umjetnika i to

pola regionalnih i pola svjetskih umjetnika“, pojašnjava direktor Bijenala Edo Hozicić.

Zemlje partneri Bijenala su Republike Hrvatska i Turska, a ovaj regionalni kulturni projekat realizuje se pod pokroviteljstvom Predsjedništva BiH, uz podršku UNESCO-a i Savjeta Evrope.

488 North Main Street, Alpharetta, Ga 30009

770-360-8014

www.cafeefendi.com



Café Efendi
MEDITERRANEAN & TURKISH COUSINE

**NE SAMO HRANA
NEGO
DOŽIVLJAJ**





Uživo muziku petkom i subotom

**Sve vrste alkoholnih
i bezalkoholnih pića**

Trbušni ples





Bog nije bio potreban za “Veliki prasak”

Jedan od najuglednijih naučnika našeg doba i dalje ne misli da je Bog bio potreban da bi svemir nastao

Stephen Hawking radi punom parom, držeći predavanja o svojim teorijama širom svijeta, a publike nikad ne nedostaje. Tako je njegova zadnja serija predavanja nazvana Porijeklo svemira i s njom Hawking ne prestaje izazivati kontroverze.

U predavanju se Hawking koncentriše na razne mitove i savremene teorije o stvaranju svijeta i svemira, isključujući Boga iz priče na samom početku pitanjem šta je zapravo Bog radio prije nego što je stvarao svemir? Odgovor koji nudi je u njegovom poznatom stilu – pita se je li pripremao pakao za ljude koji postavljaju takva pitanja?

Dosta je vremena posvećeno Velikom prasku za koji kaže da se mogao vrlo lako dogoditi i bez Boga, te da je vrijeme počelo teći u trenutku singulariteta, u samom trenutku Velikog praska.

Jedna od Hawkingovih najdražih teorija je ona Richarda Feinmana, još jednog velikana fizike koji je prije par godina



iznio svoju M-teoriju koja pretpostavlja da se višestruki svemiri stvaraju doslovno ni iz čega, tako da postoji velik broj mogućih stanja postojanja, prošlosti i budućnosti.

No, kako u svima ne mora nužno nastati život kakav poznajemo, Hawking smatra kako je vrlo sretan što živi baš u ovom svemiru..

Ljudi su naseljavali Stonehenge pet hiljada godina ranije nego što se mislilo

Novi arheološki pronalasci u okolini čuvenog britanskog prahistorijskog spomenika, Stonehengea, otkrili su naselje iz perioda čak 7.500 godina prije nove ere.

Raniji pronalasci ukazivali su na to da su ljudi ovo područje naselili oko 2.500 godina prije nove ere. Datiranjem pomoću ugljika otkrili su da je područje bilo stalno naseljeno u periodu od 7.500 do 4.700 godina prije nove ere.

Stručnjaci navode da je otkrivena zajednica koja je napravila prvi spomenik u Stonehengeu, velike drvene stubove, uzdignute u periodu mezolita.

Arheolog David Jacques i njegovi kolege pretražili su do sada neistraženo područje, udaljeno oko jednog kilometra od glavnog spomenika. “Na ovom terenu možete shvatiti zašto spomenik konstantno privlači arheologe i antikvare posljednjih 200 godina. Ono što smo mi pronašli može se okarakterisati kao pojilište za životinje i ljude”, rekao je Jacques.

Njegov kolega Josh Pollard, sa Univerziteta u Southamptonu, smatra da je ovo otkriće samo vrh ledenog brijega po pitanju mezolitnih aktivnosti u ovom području..



Lamborghini Aventador LP 720-4 50° Anniversario

Lamborghini je zvanično predstavio svoj Aventador LP 720-4 50° Anniversario na Salonu automobila u Šangaju. Ovaj model dizajniran je u svrhu proslave pedesete godišnjice ove kompanije, a ovo specijalno izdanje dolazi u dvije boje koje uključuju Giallo Maggio farbu sa mat crnim trimom i sjajno crnim točkovima. Automobil ima i novi prednji splitter,

masivni difuzor i prednju masku sa ventilima kako bi se poboljšalo hlađenje motora.

Kabina je u dvije boje, opremljena kožnim sjedištima i ambblemom koji označava pedesetogodišnjicu, koji je napravljen od specijalnih karbonskih vlakana i kompozitnih materijala. Automobil pokreće 6.5-litreni V12 motor sa 720

KS. Motor je uparen sa ISR mjenjačem koji mu obezbjeđuje sprint od 0 do 100 km/h za dvije sekunde, a maksimalna brzina iznosi 350 km/h.

Trenutno nema nikakvih informacija koliko će Aventador LP 720-4 50° Anniversario koštati, ali je poznato da će proizvodnja biti ograničena na 100 jedinica.





**AT PARS CARS,
WE'RE TELLING YOU...**



BAD CREDIT

DON'T SWEAT IT!

OVER 500
VEHICLES AVAILABLE

WITH THE **EASY as 123**
Credit Program

**NEED A CAR...
JUST COME
AND GET IT!**

**NEED A CAR LOAN?
WE HAVE THE
SOLUTION!**

MT. ZION
6823 Mt. Zion Blvd.
Morrow, GA 30260
404-641-9682

Pažnja!
Zapošljavamo Auto Mehaničara sa iskustvom od 5 godina

Visit www.AtlantaGiant.com

Perspektivni bh. glumac Armin Omerović (23) iz Orašja:

Gluma je moja rijeka, a muzika njena pritoka

Krase ga talent, upornost, ambicioznost i moralnost. On je mladi, perspektivni bh. glumac Armin Omerović (23) iz Orašja.

Glumačku karijeru započeo je još kao osmogodišnjak, a prvi veliki filmski projekt ostvario je pet godina kasnije u filmu "Put lubenica" reditelja Branka Šmita (Schmidt), u kojem je odigrao jednu od glavnih uloga.

Brojne predstave

Potom je uslijedila i druga glavna uloga, kada je imao 15 godina, u filmu "Armin", čiju režiju potpisuje Ognjen Sviličić, i s kojim je obišao svjetske festivale i osvojio brojne nagrade



glumac Armin Omerović

za najboljeg glumca. Saradnju s ovim hrvatskim rediteljem nastavio je na filmu "Halimin put", koji je naišao na izvrstan prijem kod publike i filmskih kritičara.

Omerović je svoj san pretvorio u životni poziv - odabrao je glumu i odmah po završetku gimnazije upisao Akademiju dramskih umjetnosti u Tuzli.

- Dolazim iz Orašja, malog gradića koji nema svoje pozorište niti adekvatnih kulturnih institucija. Od djetinjstva sam sjedao na bicikl i išao u susjedne gradove da gledam predstave i prisustvujem koncertima. U životu mi nikada ništa nije bilo servirano, trudio sam se i dobio priliku da učim od velikih glumačkih imena kao što su Emir Hadžihafizbegović, Zijah Sokolović, Mustafa Nadarević, Olga Pakalović... Obožavam svoj posao, i u njegovoj sam službi. Danas je hrabrost baviti se glumom, ali rad se isplati na kraju, kvalitet izađe na vidjelo - kaže Omerović.

Nisu mu strane ni daske koje život znače. Igrao je u brojnim predstavama, a posljednja je Homerova "Odiseja" u režiji Vlade Keroševića.

- Trenutno imamo probe na Akademiji u sklopu ispitne predstave. Radit ćemo jedan od Šekspirovih (Shakespeare) komada s profesoricom Selmom Alispahić. U pitanju je klasični komad koji ćemo raditi izvorno - govori nam Omerović, ističući da je dobio poziv od reditelja Kristijana Milića za njegov novi film koji će se snimati iduće godine.

Opera i sevdah

Osim glume, Omerović se i muzički obrazovao. Školovao se za opernog pjevača, a svira i tri instrumenta, gitaru, klavir i harmoniku.

- Gluma je moja rijeka, a muzika njena pritoka. Vrlo sam ambiciozan u pogledu ove dvije vrste umjetnosti. Čovjek sam koji izvlači maksimum iz svega. To se može nekada i negativno odraziti, ali ja sam, jednostavno, takav i sve ispitujem do krajnjih granica - ističe Omerović.

Meril Strip je vrlo jednostavna osoba

Armin Omerović je 2012. godine predstavljao BiH na "Berlinale Talent Campusu", gdje je imao priliku da uči od slavne glumice Meril Strip (Meryl Streep).

- Meril je vrlo jednostavna osoba. Na čas je došla u trenerci i patikama, potpuno opušteno. Međutim, od nas 12 mladih glumaca, sedam nas je bilo u trenerkama i patikama, što i jeste "dress code" za vježbe. Međutim, njih pet se sredilo za nju. Odreagirala je autoritativno, navodeći da joj glumci u pantalonama i sa šminkom ne trebaju. Nakon što su oni napustili prostoriju, nastavila je vježbati sa nama - ispričao nam je Omerović..

SVI FILMSKI ŽANROVI **EURO**

- Akcioni
- Avantura
- Biografija
- Dječiji
- Dokumentarni
- Drama
- Fantazija
- Horor
- Istorijski
- Komediya
- Misterija
- Muzički
- Naučna fantastika
- Ratni
- Ljubavni
- Triler
- Kaubojski itd.

SA PREVODOM NA NAŠ JEZIK

SERIJE >> SPORT >> ZABAVA >> MUZIKA

EURO  **TV**

1-877-747-6097

INFO@EUROPLUS.TV

Košarkaški klub Bosna, bivši evropski prvak

Istorija pada nekadašnjeg šampiona Evrope

Kao da je bilo prije sto godina... KK Bosna, nekadašnji evropski prvak, bila je jedna od rijetkih pozitivnih sportskih priča u gradu Sarajevu. Tih godina, dvorana koja nosi ime najvećeg sportiste u historiji Bosne i Hercegovine, bila je premala za sve koji su željeli gledati utakmice Bosne. Dvorana je bila neosvojiva tvrđava za regionalnu elitu, padali su redom Cibona, Partizan, Crvena Zvezda, Zadar, Olimpija... Bilo je to vrijeme kada je klupska košarka u BiH bila popularna, vrijeme kada je bila "in". Danas, u vrijeme kada za Bosnu igraju gladni igrači i kada se treneri smjenjuju kao na pokretnoj traci, čini se da je od tih lijepih post-ratnih vremena prošlo previše vremena.

Zadnji problem u kome se klub našao datira netom prije Nove godine, kada je klub napustio trener Emir Halimić, klupska legenda i jedan od najboljih šutera sa ovih prostora, čovjek koji drži rekord turske lige u pogođenim tricama na jednoj utakmici (9). Halimić je odstupio nezadovoljan maćehinskim odnosom uprave kluba prema njemu i igračima, i na svjetlo dana iznio je tužnu istinu koja svjedoči o tmurnim vremenima u kojima se klub nalazi. Navodno, prema Halimićevim riječima, nekoliko igrača je kup utakmicu protiv Mladosti iz Mrkonjić Grada igralo praznog želuca, a neki su izbačeni iz stana jer nisu mogli platiti stanarinu, zbog kašnjenja nekoliko plata.

Zadnjih nekoliko godina KK Bosna ASA BH Telecom se nalazi u teškoj finansijskoj situaciji. Zbog duga prema nekadašnjem igraču, beku Nikoli Vučureviću koji iznosi oko 180.000 eura, klubu je zabranjeno dovoditi strane igrače. Ukupni dugovi narasli su na, za naše uvjete, vrtoglavih devet miliona KM, od čega četiri miliona otpadaju na obaveze za porez, dva miliona na dugovanja igračima, a tri miliona obaveze prema dobavljačima, mahom dugovanja prema KSC Skenderiji. Zbog toga, vrata dvorane Mirza Delibašić su odavno zatvorena za Studente, a teško je vjerovati da će hram bh. košarke u skorije vrijeme ugostiti prvenstvenu utakmicu.

Post-ratni period

Ibrahim Jašarević danas je sekretar u prvoligašu Vogošći, a kratko je igrao za Bosnu u vrijeme rata i dobro je upoznat sa svim prilikama u i oko kluba. „Nakon rata, trener je postao Sabit Hadžić i oformljen je mlad tim od igrača koji su ponikli

u klubu. Generacija predvođena Goranom Terzićem, Damirom Mirkovićem, Emirom Halimićem i današnjim direktorom, Admirom Bukvom, osvojila je ligu 1998. godine. Sabit Hadžić je odstupio sljedeće godine, klub je nakratko vodio Asim Bradčić, a 2001. godine klub je preuzeo Draško Prodanović. Tada se osnovala Jadranska liga i nabrzinu je sastavljen tim od igrača iz susjednih zemalja koji je imao samo dvije pobjede u premijernoj sezoni, dok su mladi igrači zanemareni. To je, nažalost, ostala praksa kluba do dan danas, težnja ka instant rezultatu, zbog čega ispaštaju mladi talentovani igrači.“

Vreća bez dna

Jašarević je dobro upoznat sa visinom novčanih iznosa koje su dobijali igrači Bosne i smatra da su mnogi dobijali mnogo više novca nego što su vrijedili. „Vremenom se trošenje na pojačanja otelo kontroli. Primjera radi, centar Goran Bajić, koji je doveden kao relativno nepoznat igrač, primao je platu od 18.000 KM i bio je plaćeniji nego, po mišljenju mnogih najbolje strano pojačanje u historiji kluba, američki centar Lance Williams koji je zarađivao 5.000 dolara, sa eventualnim premijama maksimalno 10.000 (tada oko 15.000 KM). Bolje poređenje je između Amerikanca koji je bio najavljen kao velika zvijezda, Kyle Hilla, koji je svojevremeno bio plaćen 25.000 dolara mjesečno (preko 35.000 KM), dok je nekoliko sezona ranije legenda bh. košarke, Nenad Marković, zarađivao 10.000 KM mjesečno za posljednju sezonu u karijeri. Još veći problem nastao je kasnije, kada su se počela dovoditi skromnija pojačanja koja nisu bila ništa skromnije plaćena. Takvi igrači zarađivali su jednake ili čak više iznose nego npr. Williams ili Marković koji su bili vrijedni svakog feninga. Davanje petocifrenih iznosa igračima kao što su Žarko Rakočević ili jednodimenzionalni Nikola Vučurević (imao platu od oko 18.000 KM) bilo je van pameti. Ti igrači bi teško i na jednom drugom mjestu mogli biti tako plaćeni. Klub se na taj način pretvorio u vreću bez dna“ - smatra Jašarević

Kako se griješilo u dovođenju, tako su se i propuštali veliki talenti. Malo je poznato da je Bosna dva puta propustila dovesti u svoje redove danas jedinu istinsku superzvijezdu bh. košarke, Jablaničanina Mirzu Teletovića.

„Mirza je na jednom kadetskom turniru kadetima Bosne zabio preko pedeset koševa, ali na tom turniru ljudi iz Bosne

su zapazili Aldina Kadića i doveli ga u svoje redove. Teletovića su grubo odbili. Njegovom treneru je rečeno da im ne treba takav igrač. Mirza je na kraju završio u tuzlanskoj Slobodi. Druga sanša se ukazala 2003. godine, kada je Mirza kao osamnaestogodišnjak bio na prosjeku od 26 koševa po utakmici. Ali, novi trener Bosne, Mensur Bajramović je insistirao da se umjesto Teletovića dovede Kenan Bajramović, kojeg je trenirao u zeničkom Čeliku. Kenan Bajramović je pružio dobre partije u dresu Bosne i imao je veoma dobru karijeru, ali Mirza Teletović je, na kraju krajeva, postigao više. Ekipa sa Markovićem, Williamsom i strijelcem kakav je Teletović bila bi jako, jako opasna.“

Era Imamović - Konaković

2002. godine na čelo uprave kluba došao je biznismen Nihad Imamović, tada na čelu ASA Holdinga. Danas se on, zajedno sa bivšim direktorom kluba, Elmedinom Konakovićem, smatra najodgovornijim za ogromne dugove u kojima se klub nalazi, ali naš drugi sagovornik, koji je radio pet godina u marketingu kluba i koji je želio ostati anonimn, smatra da krivicu ne treba svaljivati isključivo na leđa njih dvojice.

„Nihad Imamović i Elmedin Konaković jesu krivi za situaciju u kojoj se klub nalazi, ali nisu jedini i nije pošteno svaljivati krivicu samo na njih dvojicu.

Imamović je u klub uložio više novca nego što možete zamisliti, puno više nego ostali članovi uprave. Sastanci uprave bi izgledali otprilike ovako: Imamović i ostali bi se dogovarali oko toga koliko će ko novca uložiti u klub. Imamović je uvijek obećavao najviše iznose (stotine hiljada KM). Još neki članovi uprave bi obećavali približne iznose, a većina je obećavala desetine hiljada KM, što je opet mnogo novca..

Problem je bio u tome što bi često jedini Imamović ispunio obećanje. Što se tiče Konakovića, njega najviše napadaju što je previše prigrlio menadžersku agenciju BeoBasket, preko koje je dovodio igrače koji su uglavnom bili preplaćeni za ono što su pružali u Bosninom dresu. Međutim, Konaković je bio autoritet. Njegova riječ se poštovala i svi su slušali kada je on pričao. Možda jesu pravili greške u procjenama i bili u tzv. „menadžerskim talovima“, ali dok su Konaković i Imamović bili u klubu, on je koliko - toliko funkcionisao. Danas više ne radim u klubu i pratim ga čisto navijački, ali svjedoci smo toga da je nekadašnji prvak Evrope disfunkcionalan tim, prosječan prvoligaš u nikad lošijoj bh. ligi.“

Naš sagovornik navodi i krucijalne momente, odnosno razloge krize u kojoj se klub nalazi. „Prvi je poraz od Crvene Zvezde u četvrtfinalu završnice Jadranske lige 2006. godine, koja se igrala u Sarajevu. To je, po mom mišljenju, najbolja post - ratna sezona kluba. Dobili smo sve utakmice kući i vladala je euforija u gradu jer je te godine osvajač Jadranske (danas ABA) lige išao u Euroligu. Ali protiv Crvene Zvezde desio se užasan šuterski dan i izgubili smo. Ne kažem da je Bosna bila favorit na toj završnici, ali jedina prilika koja se ukazala za nešto više otišla je u nepovrat. Sljedeće godine, uspjeh je bio nemoguć jer se jezgro tima raspalo. Lance Williams je otišao u Tursku, Saša Vasiljević u Španiju, Kenan Bajramović u Ukrajinu, a Nenad Marković je završio karijeru. Tada se trebalo okrenuti mlađim igračima. Nihad Đedović je imao 17 godina i bio je jedan od najtalentovanijih mladih igrača Evrope. Bili su tu još i braća Šehovići, Emir Zimić (visok 218 cm), Edin Bavčić, Muhamed Pašalić i još nekoliko zanimljivih igrača iz 90.godišta, ali nerealne ambicije kluba su svima, osim Đedoviću ili upropastile, ili usporile košarkaski razvoj. Od navedenih igrača, samo Đedović je ostvario vrhunsku karijeru. Ostali su možda mogli, ali nisu dobili šansu na vrijeme, ili nisu nikako.



KK BOSNA ŠAMPION EVROPE

Za drugi krucijalni momenat naš sagovornik navodi imenovanje Alena Abaza na mjesto trenera u sezoni 2008/2009. „Tada je ozbiljnost u radu kluba opala, jer su klub prije Abaza vodili Mensur Bajramović, Nenad Marković (nakon što je završio karijeru) i Jure Zdovc, sve poznata košar-

kaška imena. Abaz nije imao nikakvog trenerskog iskustva. Bio je pomoćni trener pod Markovićem i Zdovcem, ali nije se mnogo pitao oko taktike ili selekcije igrača. Imamović je želio da nekadašnji igrač Bosne, Dejan Parežanin, postane trener, ali ostatak uprave je izglasao povjerenje Abazu. Tu počinju i neke prve trzavice Imamovića i ostatka uprave, i on je počeo manje novca ulagati u klub. Abaz je otjeran nakon lošeg starta sezone, a na njegovo mjesto doveden je Vlada Vukočić, preko agencije BeoBasket. Na kraju se osvojila 7.pozicija u NLB ligi (tada novo ime Jadranske lige), ali za igrače je te godine previše plaćeno. Na polusezoni je sa pozicije direktora otišao Konaković, a naslijedio ga je Admir Bukva i to bi naveo kao treći krucijalni momenat. Nemojte me pogrešno shvatiti, poznajem Admira i on je dobar čovjek, ali zbog privatnih problema on nije u mogućnosti da uspješno obavlja funkciju direktora, a to je posao u kome morate biti 24 sata dnevno i kojem morate biti maksimalno posvećeni. Nakon toga, klub je počeo finansijski propadati, što se odrazilo i na nastupima koje je pružao. Te sezone, poraz od Igokee u polufinalu prvenstva značio je kraj nastupa u NLB ligi, a zbog toga su se mnogi sponzori povukli. Čak i

BH Telecom, koji je najveći sponzor kluba, značajno je skresao budžet. Rezultat toga je ovo što imamo danas, prosječni prvoligaš koji za nekoliko godina možda neće biti ni glavni tim u gradu.“ Zaista, danas KK Bosnu na domaćim utakmicama gleda maksimalno nekoliko stotina gledalaca, uglavnom rodbina ili prijatelji igrača. KK Spars, koji je osnovan prije desetak godina, danas u mlađim pogonima ima dva reprezentativca Bosne i Hercegovine (Nedim Buza i Adin Vrabac, prvi jedan od najtalentovanijih juniora Evrope), te juniorske reprezentativce Srbije (Đoko Šalić) i Slovenije (Aleksej Nikolić). Klub je finansijski stabilan, ima mnoštvo sponzora i ova godina je ključna za KK Sparse da uđu u prvu ligu jer još jedna godina u A1 ligi može negativno djelovati na razvoj ovih igrača. Danas većina djece u gradu trenira košarku u KK Spars, a Bosnin omladinski pogon, koji je prema riječima našeg sagovornika, generirao 25.000 KM mjesečno od članarina, je neuporedivo manji nego prije pet ili šest godina. Sagovornik dodaje i problem nedostatka kvalitetnih mladih igrača. „Bio sam dugo u klubu i znam kako su stvari funkcionisale. Bilo je nadarenih

dovanja su jake utakmice. A rijetki su ih odigrali“.

Stečaj kao jedina realna opcija

Za kraj, na pitanje o mogućem izlasku iz krize, naš sagovornik ne izražava optimizam. „Bolno je pomisliti o tome, ali stečaj je jedini način da se riješe problemi kluba. I tu imamo paradoks, jer ne vjerujem da postoji čovjek dovoljno hrabar da to učini. Da se klub ugasi, te da se počne ispočetka sa novim imenom. Sloboda Dita je proglasila stečaj prije nekoliko godina, pa je ponovo krenula s radom kao OKK Sloboda, riješivši se velikog dijela svojih dugova. Isto važi i za zenički Čelik. Uzalud tradicija, prestiž i titule kada je klub u prosječnosti. Klub bi kratkoročno spasila finansijska injekcija, recimo oko pola miliona KM, da se isplati dug Vučureviću i sastavi ekipa od iskusnih bh. igrača koji bi tu došli da završe karijeru. Ali ovo je sve previše „ako“ i „možda“. Nažalost, ova prva opcija, stečaj, čini se najrealnijom, koliko god to bilo bolno i nezamislivo.“



momaka. Generacija 86., 87. ili 90. bi vrlo vjerovatno bila odličan prvoligaški tim da danas igra u tom sastavu. Bilo je tu odličnih igrača. Dobre su bile i generacije 92. i 94. Ali jednostavno, rijetki od njih su dobili pravu šansu. Bilo je iz svake od navedenih generacija dva ili tri veoma talentovana igrača, ali nisu dobili šansu na vrijeme, ili je nisu dobili nikako. Rosteri su se popunjavali iskusnim, islužnim strancima, koji su bili tu da urade svoj posao, uzmu platu i idu dalje ako se za to stvore uslovi. Mladi igrači Bosne bi dobijali mrvice, bivali posuđivani raznim drugoligašima, a to nije način na koji mladi igrač može stasati. Može biti milion treninga, ali uslov napre-

Nekadašnji prvak Evrope i klub čiji su dres nosile dvije najveće legende bh. košarke, Mirza Delibašić i Nenad Marković, nalazi se u teškim vremenima. Dugovi u kojima se nalazi djeluju kao teret koji klub vuče ka dnu. Krizu u kakvoj se Bosna nalazi preživjela su dva regionalna velikana, Cibona, čije dugove vratio grad Zagreb i ljubljanska Olimpija, koju je od stečaja spasilo Ministarstvo kulture i sporta Slovenije. U zemlji koja ima puno više problema od malih ulaganja u sport, takav scenario je malo vjerovatan i pitanje je dokad će klub moći da egzistira u situaciji u kojoj se trenutno nalazi.

Saša Lošić Loša, jedna od najvećih muzičkih zvijezda regiona

Ništa više nije kao što je bilo!

Pripremajući se za intervju sa Sašom Lošićem (49) i vrteći po glavi stanice njegove i karijere "Plavog orkestra", shvatila sam da je na području bivše Jugoslavije teško naći osobu koju je potrebno podsjećati na Lošu i kultnu grupu, nastalu 1983. godine, čiji su enormni uspjeh i slava ponukali kritičare i novinare da ih nazovu "Beatlesima" iza željezne zavjese, kulturnim fenomenom osamdesetih i devedesetih, posljednom histerijom na Balkanu... "Suada", "Sava tiho teče", "Bolje biti pijan nego star" ... - ne trebaju dodatnu odrednicu.

- Loša jest jednako šta? Nepredvidljivo, lucidan, zanimljivo, dosadan? Jednostavno, hoću reći da ste zvijezda, jedna od najvećih na ovim prostorima. I, shodno tome, da se o Vama sve zna.

- Ne. Zvijezde su samo na nebu. Ja imam posao, kao i svako drugi, kao pekar, inženjer... Jednostavno, ne vjerujem u koncept posmatranja ljudi kao nebeskih tijela. To ne postoji. Ta demistifikacija je trenutak koji upravo živimo. Baš sam prije nekoliko dana čitao raspravu u magazinu "Intelligent Life" od "Economista", gdje kolumnist Čarls Nevin (Charles) kaže da "živimo u eri zajedljive deiluzijacije".

Sve što smo mi u svojim glavama zamislili da je važno, da je nedostupno, da ima natprirodne moći, samim tim i idolatrija, svijet slavni, u svijesti običnog čovjeka prestaje biti tako. Mijenja se percepcija koju smo do sada imali prema javnim ličnostima... Ja, od kada sam se pojavio na sceni, živim samo taj život. Ne živim sebe iz novina. Svoj poziv doživljavam kao i svaki drugi. Moj zadatak je, izgleda, da ljudima dajem dobru energiju.

Moje sljedeće pitanje trebalo je biti: "Je li tačno da u Sarajevu niko ne može biti zvijezda", ali ono je sada svuviše. Ali, mi sjedimo u "People'su" i na zidu je slika "Plavog orkestra" pored slika Zdravka Čolića, "The Beatlesa"...

- Nisam to ni vidio... Kako je to lijepo. Baš mi je drago. Čovjek se uvijek, šta god da radi, trudi da ostavi neki trag, da ovaj neponovljivi život spasi od banalnosti, da ima iluziju da je negdje profitirao, da je nešto ostavio za buduća pokoljenja. Samim tim bilo bi neskromno, odnosno bilo bi lažno reći da mi nije drago. Jeste, drago mi je, moji prijatelji iz grupe i ja napravili smo nešto će ostati i kada nas više ne bude na ovim ulicama.

A Sarajevo je stvarno zdrava sredina. Ovdje od davnina uvijek sve biva svedeno na pravu mjeru. Niko se nikada nije izdvajao po svom statusu tako da mi je drago da sam imao privilegiju da odrastam baš u takvom gradu. U svim drugim sredinama te dižu, a to, definitivno, nije dobar preduvjet za umjetnički rad. Uvijek moraš imati dozu realne frustracije da bi mogao stvarati.

Iako se o Vama skoro sve zna, meni je zanimljivo to



Saša Lošić Loša

što se mnogi ljudi iznenade kada čuju da ste autor pjesama "Iznad Tešnja zora sviće" i "Malo je, malo dana". Ljudi uglavnom kažu: "To su Halidove pjesme."

- Drago mi je da moj prijatelj i komšija Halid pjeva te pjesme na koncertima. Halid, ne samo što je veliki pjevač nego ga smatram jednim od najboljih ljudi koje poznajem. Uvjerio sam se bezbroj puta koliko je dobar čovjek.

Koliko god to patetično zvučalo, ali smatram da je jedan od mojih najvećih uspjeha, kao kompozitora, svijest o tome da će se u budućnosti izgubiti moje ime kao autora i pjevača i da će se te pjesme u jednom momentu tretirati kao narodne. Ni ove starogradske i sevdalinke koje danas pjevamo, nije napisao narod. Nije se narod okupio na livadi pa pravio pjesme. Nego je i tada to bio neki nemirni čovjek, koji je, da bi preživio, morao opjevati svoju ljubavnu bol, napisati pjesmu...

Ovo sam pitanje postavila Goranu Bregoviću, a i Vama ću. Brega je danas kompozitor svjetskog glasa, a ljudi ovdje obično kažu - frontmen "Bijelog dugmeta". Vi ste, pored "Plavog orkestra", napravili toliko velikih stvari - radili ste muziku za film, teatar, operu...

- Ja sam to sve pozaboravljao. Izgleda da ću ipak ostati upamćen po svojoj iracionalnoj odluci da nosim kapu. Zamisli te sudbine, kad me se budu sjećali: "A, to je onaj s kapom." Iako je "Plavi orkestar" u posljednje dvije godine imao najposjećeniju turneju u karijeri (više od 600.000 ljudi), iako smo izdali novi album, imali premijeru filma, a ja komponovao muziku za bezbroj filmova, gro intervjuja počinjao je pitanjima: "Kada ćeš se oženiti?", "Čuli smo da si uganuo gležanj?" i "Zašto nosiš kapu?" I ako se stigne da se pred kraj progovori malo o muzici, dobro i jest... A, zapravo, to nikoga više ne zanima.

Uglavnom, sada Vam je dobro.

- Da. Vjerovatno u nekim srednjim godinama dolazi do promjena. Jednom ću se morati pomiriti s tim da sam odrastao, pokositi travu i kupiti vrtnog patuljka.

Na kraju, je li bolje biti pijan nego star?

- Najgore je biti i pijan i star. A, to znam iz... pouzdanih izvora...

**OVAN** (21.03 - 20.04)

Ljubav: Uzbudjenja koja će vam ovih dana pripremiti vaš ljubavni život, iskušavat će vaše strpljenje, kao i sposobnost prilagođavanja. Budite strpljivi.

Zdravlje: Problemi sa probavom.

**BIK** (21.04 - 20.05)

Ljubav: Ako ste u stalnoj vezi, mogući su manji problemi sa partnerom. Unesite više nježnosti i romantike u vezu. Zdravlje: Umorni ste.

**BLIZANCI** (21.05 - 20.06)

Ljubav: Partner će zaigrati na kartu vaše žrtve. Obrite ga argumentima.

Zdravlje: Bit ćete osjetljivi na promjene vremena.

**RAK** (21.06 - 20.07)

Ljubav: Naredni dani su kao stvoreni za ljubav i pažnju. Uživajte u čarima sretne veze.

Zdravlje: Više se odmarajte.

**LAV** (21.07 - 21.08)

Ljubav: Potrudite se da osobu koja vam se već duže vrijeme sviđa iznenadite svojim otvorenim simpatijama. Nećete se pokajati.

Zdravlje: Imat ćete probleme sa pritiskom.

**DJEVICA** (22.08 - 22.09)

Ljubav: Naredni mjesec bit će krucijalan kada je vaša veza u pitanju. Mogli biste čak uploviti u bračne vode.

Zdravlje: Dobro.

**VAGA** (23.09 - 22.10)

Ljubav: Nešto će vas slijepo tjerati u zagrljaj zauzete osobe. Razmislite o tome zašto želite imati nešto što vam stalno izmiče iz ruku.

Zdravlje: Izvrsno.

**ŠKORPIJA** (23.10 - 22.11)

Ljubav: Prisutna je doza destruktivnosti u odnosu, potreba da se nešto sruši do temelja i da se prekine sa starim načinom života.

Zdravlje: Problemi s prehladom.

**STRIJELAC** (23.11 - 20.12)

Ljubav: Snažna seksualna privlačnost koja će se dogoditi između vas i jedne osobe razum će potisnuti u drugi plan. Dobro razmislite o svemu.

Zdravlje: Provjerite krvnu sliku.

**JARAC** (21.12 - 19.01)

Ljubav: Bit ćete emotivno suzdržani i distancirani te nekako sami sebi dovoljni. Naglašeni individualizam bit će primjetan i zabrinjavajući za vašeg partnera.

Zdravlje: Prekontrolišite stomak.

**VODOLIJA** (20.01 - 18.02)

Ljubav: Stara ljubav mogla bi se ponovo pojaviti u vašem životu. Dobro razmislite, prije nego što učinite nešto što bi moglo povrijediti vašeg partnera.

Zdravlje: Uglavnom dobro.

**RIBA** (19.02 - 20.03)

Ljubav: Osoba koja vam se sviđa mogla bi konačno pokazati malo više interesa za vas. Pred vama su sretni dani.

Zdravlje: Problemi s glavoboljom.

Mala riznica velikih misli



Ivan Cankar (1876 - 1916)

Oduvjek je bivalo da čovjek sanja toliko sjajnu svjetlost, koliko mračnija je noć oko njega i u njegovu srcu.



Meša Selimović (1910 - 1982)

Zaustavićete na svakom koraku, ogadiće ti svaki pokušaj, ponudiće ti bezbroj dokaza da je najbolje ćutati, mirovati, gledati iz prikrajka.



Mahatma Gandhi (1869 - 1948)

Pod pojmom demokratija ja podrazumijevam jednake šanse kako za najslabijeg, tako i za najjačeg.



Winston Churchill (1874 - 1966)

Ni za jednu zajednicu ne postoji boljeg ulaganja od davanja mlijeka djeci.



Buda (560 - 480 p.n.e.)

Ono što jesmo, proizvod smo vlastitog razmišljanja.

Demi Moore i Cher – zamrznute u vremenu

Iako ih dijeli 16 godina razlike, holivudske glumice izgledale su poput sestara vršnjakinja na večeri AFI Night At The Movies, posvećenog filmu – obje u crnim odijelima, ispeglane kose i lica potpuno bez bora.

Demi Moore, 50-godišnjakinja koja izgleda kao da joj je bar 20 godina manje, demantuje da je ikad išla ‘pod nož’ ili se podvrgavala nekim zahvatima estetske hirurgije te ističe kako je tajna njezinog mlaodlikog izgleda u zdravom načinu života i vježbanju.

S druge strane, Cher, kojoj niko ne bi povjerovao da ima 66 godina, vatrena je zagovornica plastične hirurgije i nikad nije krila da ju je obilno koristila.



Jessica Alba otkrila kako je skinula kilograme!

Holivudska glumica Jessica Alba otkrila je kako je skinula kilograme nakon trudnoće.



Tvrđi kako to nije bilo nimalo lako. Dok mnoge zvijezde pričaju kako su kilograme skinuli bez većih problema, Alba je rekla istinu.

“Dan i noć sam nosila dvostruki korzet, nije bilo nimalo lako. To sigurno nije za svakoga”, potvrdila je Alba.

Ona je ovu rigoroznu metodu mršavljenja u kojoj je kombinirala dvostruki korzet s vježbanjem i dijetom, držala puna tri mjeseca, no sada se može pohvaliti savršenom linijom.

“Bilo je teško i znojno”, našalila se glumica ‘ali je zasigurno vrijedilo’, rekla je lijepa Alba.

Psyja s vrha ljestvica ‘skinuo’ 63-godišnji pjevač

Južnokorejskog rappera Psyja, čiji je posljednji video ‘Gentleman’ po popularnosti na internetu krenuo putem njegovog prvog globalnog megahita ‘Gangnam Style’, s vrha muzičkih ljestvica u njegovoj domovini potisnuo je 63-godišnji pjevač lakih melodija.

Gangnam Style, koji drže rekord YouTubea s 1,5 milijarde prikaza, katapultirao je Južnokorejca sa sunčanim naočalama i kričavom odjećom među svjetske zvijezde i učinio ga najpoznatijim licem korejske pop glazbe.

No Cho Yong-pil, prisutan od 1975. na korejskoj pop sceni sa svojom elektronskom muzikom i baladama, preuzeo je prvo mjesto ljestvica s pjesmom Bounce, po dnevnim i sedmičnim ljestvicama Naveru, vodećeg južnokorejskog internetskog portala.

Obožavatelji su u redovima čekali kako bi kupili Hello, Choov prvi album u deset godina.



su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

8	7	3	2	9	1	4	6	5
1	6	5	4	8	7	2	3	9
9	4	2	5	3	6	7	1	8
3	2	4	8	7	9	1	5	6
7	9	6	1	5	3	8	4	2
5	1	8	6	4	2	3	9	7
2	3	1	7	6	5	9	8	4
6	8	7	9	1	4	5	2	3
4	5	9	3	2	8	6	7	1

	2			6		9		3
1				4	5			
			3					4
			6	8	3	1	2	
				7				
	6	1	9	2	4			
6					9			
			8	5				2
4		8		1			3	

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:

Europa Magazine (pretplata), P.O. Box 867, Lawrenceville, GA 30046-0867

E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
 [] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____

E-mail: redakcija@europamagazine.info • Tel: 678.743.5731

Europa Magazine (pretplata) • P.O. Box 867 • Lawrenceville, GA 30046-0867

DIK BROWNE **HÖGAR STRAŠNI**



Rekli su o ženama...

Svaka žena je bespomoćna dok joj se ne osuši lak na noktima

- Burt Reynolds

Treba ženiti samo lijepe žene. Inače ne postoje nikakve šanse da ih se riješimo

- Rod Stewart

Mojoj ženi je svejedno što radim bez nje toliko dugo dok se pri tome ne zabavljam

- Jerry Seinfeld

Ne bi reka da su sve žene iste, ima ih i gorih

- Stipe iz Muća (kod Splita)

Ko u braku ne poludi, taj stvarno nije normalan

- Princ Charles

Oni koji o ženama uvijek dobro govore, ne poznaju ih dovoljno.

Oni koji o njima samo loše govore, ne poznaju ih nikako

- G. Pigault Lebrun

Bolje je biti dobro obješen nego loše oženjen

- Shakespeare

Moja prva žena je umrla jer je pojela otrovne gljive.

Druga žena je preminula jer je također jela otrovne gljive.

Treću sam udavio jer nije htjela jesti gljive

- Henrik VIII (ili VII)

Žena ti kaže "Idi k vragu!". Ti odeš, a ona te i tamo dočeka

- Dante Alighieri

Lijepe žene su stvorene za muškarce koji nemaju mašte,

a pametne za one koji nemaju sreće!

- Casanova

VICEVI

MALI OGLASI

Europa magazin Vam nudi besplatne privatne male oglase do 20 riječi.

Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

Prodaja

Prodajem zemljište 470m² Neum, iznad magistrale, pogled na more. Vlasništvo 1/1 struja, voda, tel. Završeni temelji i prva ploča 11mx14m, septička i čatrnja. Tel: 1 317 858 4780

Prodajem vikend kuću u Doboju, Trebavska 14 površine 5,5 x 7,5, prizemlje sa potkrovljem i 654 m² zemlje. Cijena 30.000 km, vlasništvo 1/1. Kontakt telefoni: +387 33 971 652 (Sarajevo) i 904 733 0813

Prodajem kuću novu s nedovršenim unutrašnjim radovima, 130m², vlasništvo 1/1, u Otesu, Sarajevo. U obzir dolazi i zamjena. Tel: 727-776-0755. E-mail: sanjadoll915@yahoo.com

Prodajem plac na Vašiću, kod motela Trenica, 600m². Cijena povoljna. Tel: 972-412-9015

Prodajem kuću sa stvarima u Dvorovima površine 56m² sa 2 duluma okućnice i voćnjakom. Kuća takođe ima građevinsku dozvolu za eventualnu dogradnju. Tel: 619-913-7914 ili 858-558-0664

Prodajem stanove od 40m² do 53m² u Banja Luci-Novakovići, nova gradnja sa terasom, blindo vrata. Tel: 616-970-6504. E-mail: enkozdz@yahoo.com

Prodajem kuću u Sarajevu, Logavina, Vrbanjuša 108, idealna lokacija 130m², terasa 7,20m², avlija 23m² sa zidom 2m visine, parking za tri auta ispred kuće. Cijena 180.000 KM. Tel: +387 (61) 167-2031 ili 804-270-0101

Prodajem dva stana u Sarajevu oba vlasništvo 1/1: 65m² (balkon 9m²) kod Socijalnog, 65.000 eura, 44m² preko puta bolnice Koševo 50.000 eura. Tel: +387-33-644-294

Prodajem ili mijenjam kuću 9x9m, novogradnja kod mosta u Bos. Brodu za Sl. Brod ili more. Tel: 904-482-8633 E-mail: elvirgazic@hotmail.com

Prodajem nedovršenu vikendicu na Vlašiću sa svim urednim papirima. Tel: 678-313-9914

Prodajem dvosoban stan u

Sarajevu 54m², II sprat, Čengić Vila I. Tel: +387-65-689-787

Prodajem dvosoban stan u Sarajevu, 54m², III sprat, Dobrinja II. Tel: 425-673-1642

Povoljno izdajem pod zakup četverosobnu kucu. Stone Mountain, u blizini parka. Tel: 404 717 3056

Prodajem dvoiposoban stan u Sarajevu, 65m², II sprat, Dobrinja III. U obzir dolazi i zamjena. Tel: +387-57-447-146 ili +387-65-568-111

Izdajem trosoban stan u Lawrenceville, GA 30046 Tel: 678-793-5400 od 9AM-20PM

Prodajem kuću, predgrađe Sarajeva, 140m², telefon, struja, voda, 4 duluma zemlje sa 108 voćaka. Tel: 011381 64 886 2544

Razno

Čuvam djecu u mojoj kući u Snellville-u. Tel: 404-819-3419

Povoljno i sigurno čuvanje djece 7 dana u nedjelji. Tel: 404-723-7698

Divorced woman 45, 5'8", 140lbs, short red hair, blue eyes, non-smoking, desires to find a man in his 40-50's. E-mail: poloz3939@yahoo.com

KUPON ZA BESPLATNE MALE OGLASE DO 20 RIJEČI

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA -

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine
ISSN 1939-3423
Address: P.O. Box 867
Lawrenceville, Georgia 30046-0867
United States of America
Phone: +1 (678) 743 5731

Europa

E-mail: editor@europamagazine.info
www.europamagazine.info

Issued: monthly

Editor-in-chief: Haris Delalić
Senior Photographer and Graphic Design Manager: Dan Dalibor Spalat
Graphic Design: Aldin Ajanovic,
Internet Presentation: Damir Setkic
Freelance writer Europe: Milan Pekić
Community: Enes Selimović
Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina



bosnatv.com

US/Kanada

1.800.771.0790

Evropa

++41(0)912611211

EMC CARGO

WWW.EMCCARGO.COM



 **\$1.290**

AUTOMOBIL



\$1.390

SUV/VAN



\$690

MOTOR



\$790

JET SKI/ATV



\$99

PAKET



od \$100

NAMJEŠTAJ

(po komadu)

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271